

**Dissertatio inauguralis medica de cura per expectationem ... / Publicae
ventilationi submittet Ludovicus Julius Jaquemin.**

Contributors

Jaquemin, Ludwig Julius, 1692-
Alberti, Michael, 1682-1757.

Publication/Creation

Halae Magdeburgicae : Typis Christiani Henckelii, [1718]

Persistent URL

<https://wellcomecollection.org/works/bwtszwrv>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

DISSERTATIO INAUGURALIS MEDICA

18

DE

CURA PER EXPECTATIONEM,

QUAM

DEO PROPITIO

ET

RECTORE MAGNIFICENTISSIMO,

SERENISSIMO PRINCIPE AC DOMINO

DOMINO CAROLO,

PORUSSIAE PRINCIPE, MARCHIONE BRAN-
DENBURGICO, CETERA

GRATIOSÆ FACULTATIS MEDICÆ CONSENSU,

PRÆSIDE,

D N. D. MICHAELE ALBERTI,

POTENTISS. REGIS PORUSSIÆ CONSILIARIO AULICO, MEDICINÆ PROFESSORE PUBLICO ORDINARIO, PHILOS. NATUR. EXTRAORD.
REIPUBL. NORIBERG. PHYS. ORDIN. ACADEM. NAT. CURIOS.

COLLEGA,

FACULTATIS MEDICÆ DECANO SPECTATISSIMO,

PATRONO, PRÆCEPTORE AC PROMOTORE SUO CUM
HONORIS CULTU PROSEQUENDO,

PRO LICENTIA,

Ad d. Maji. MDCCXIX. horis ante & pomeridianis,
Publicæ ventilationi submittet

LUDOVICUS JULIUS JAQUEMIN,

BRUNSVICENSES.

HALAE MAGDEBURGICAE,

Typis CHRISTIANI HENCKELII, Acad. Typ.

ЯНДАДУ
МЕИОПАДБУД
СЕГОДНЯ
ОДЯДОВО
СТАВЛЯЕША
СТАВЛЯЕША
СТАВЛЯЕША



PRÆLOQUIUM.



Vam commendata vulgo inter homines sit officiositas, id multiplicia testimonia, in vita humana passim obvia, abundè comprobant; quam accepta vero hæc communiter sit, ut propterea virtutibus annumerari mereatur, tam aliena, frustranea, imò interdum plane perniciosa eadem evadit, quando inopportune exercetur & rationes temporis, occasionis, ordinis, subjecti, necessitatis, finis & successus frivole præterit aut negligenter perpendit: quid imprimis in foro medico officiositas hæc utilitatis & damni inferat, facilè demonstrari posset, si hoc nostrum propositum esset de hac re latius differere, illud interim in rebus medicis, dextrè tractandis, verum & certum esse scimus, quod officiositas illa versetur tam circa commissionem quam omissionem, i. e. quod medicus cum multa utilitate officiosus esse possit, laborando, præcipitando abstinendo, cunctando & expectando, modo singula fiunt natura ratiōnē & prout circumstantiæ & conditiones rerum postulant atque permittunt: imprimis vero ab-

undè jam & in vulgus notum est, quid tempestiva opitulatio proficiat ad intercipiendos, præoccupandos, evitandos & extingvendos morbos & quid contra officiat cunctatio & procrastinatio, quæ morbos imminentes expectat & non tollit, eorundem vires admittit & non præscindit, illorum effectus tolerat & non mature coërcet: quare recte *Hippocrates in Epistola ad Cratevam dicit: ab omni arte aliena est procrastinatio & præcipue in medicina, in qua dilatatio animæ periculum afferit, curacionum animæ vero sunt temporum opportunitates, illarum vero cognitio artis finis: cum quo dictorio apprimè convenit illud Ouidianum: principiis obsta &c. & quod Seneca Lib. I. de ira cap. 7. & 8. professus est: facilius est excludere perniciosa, quam regere & non admittere quam admissa moderari, nam cum se in possessione posuerunt potentiora rectore funt, nec recidi se, minuive patiuntur: in primis finibus hostis arcendus est, nam cum intravit & portis se intulit, modum à capivis non accipit: quo pertinet illud Ciceronis: omne malum nascens facile opprimitur, inveteratum fit plerumque robustius & quod Plato dixit: Expectatio virtus, cunctatio vitium, matura & opportuna actio est virtutum magistra; hinc occasio medicamentis salutis & necis adferendæ, tribuit momentum juxta Plutarchum in Lucullo: & quid pluribus testimoniis opus erit? ipsa res abundè attestatur, quod multi morbi in prima sua herba suffocari & extingvi queant: quemadmodum vero hæc officiositas medica in præoccupandis morbis operosa minime contemnenda est, tamen opportunitas agendi non minor est virtus in toto studio & studio artis medicæ, quæ præprimis versatur circa justum selectum temporis, quando videlicet indoles morborum permittit, quo certæ operationes*

fuscipliantur & administrentur : etenim non omnes morbi quando semel invaserunt, mox in prima sua agressione supprimi & superari , neque etiam quolibet indiscreto ausu atque tempore subjugari & expugnari possunt , sed omnino temporis habenda erit prudens ratio , siquidem tempori , etiam in hoc passu serviendum est, quare εὐχαριστία aurea fuit veterum regula ad prudentem & salutarem artis administrationem destinata: & cum persæpe artifici ejusmodi casus contingant , in quibus tempestiva morborum præoccupatio locum haud amplius invenit , ita alia commoda artem comitari & consolari solent , dum opportunitas agendi & prudens expectatio multum emolumenti ad diversas difficultates subigenandas efficacissimè & evidentissimè confert: ob id pro artis adjumento & subsidio eximiæ ejusmodi virtutes admundum inculcandæ & commendandæ sunt , utpote quæ eò maximè inserviunt , quo salus hominis promoveatur , siquidem hominis salute peccare juxta Magnum Aurelium Cassiodorum Lib. VI. variarum formarum 19. homicidii crimen est: & dum medicis à Deo concredita est illa salus corporis humani , ita quam maxime interest , quo omne studium & omnis occasio adhibetur eoque dirigatur , ut hæc salubritas auxiliis & que ac consiliis ingenuis & probatis confirmetur , augeatur & restituatur , cui officio legitime exercendo præprimis inservit tempestiva & opportuna medela sive hæc positivè sive privativè administretur , dū utilia adhibentur & inutilia removentur , imò dum illa tempora atque ordines expectantur , quando certa auxilia applicari debent , ne vel præmaturè vel præpostérè negotia , hominis salubritati prævisa , gerantur , quo respe-

Et tu etiam non omnis cunctatio mala & perniciosa est, sed
 sub congruo directorio aequa ad salutares fines per-
 tendit & pervenit ac solicita officiositas medica.
 Et dum salus corporis humani verus medici scopus est,
 ita eo major solicitudo adhibenda erit, ne contra ean-
 dem ullo modo artifex impingat atque peccet: imo
 sicuti multæ occasions accidentunt, quæ ad errores pra-
 eticos seducunt, ita inter alios magno studio evitandus
 est metus & audacia, negligentia & præcipitantia, incon-
 grua cunctatio & immatura officiositas: singula hæc vi-
 tia passim reprehendit *Hippocrates* & inter illa etiam timi-
 ditatem & temeritatem notanter in *Libro de Lege* carpit,
 sicut de reliquis vitiis, quæ praxin medicam premunt at-
 que vero suo scopo & fine destituunt, modo dictum
 fuit: singula vero hæc in eo præcipue convenient, dum
 artifex officio suo sine ullo congruo modo, ordine at-
 que convenienti methodo fungitur & præcipue con-
 tra rationem temporis impingit, dum vel præmature
 vel immaturè, vel præpostorè negotia sua perpetrat &
 administrat: & sicut venerandus *senex Lib. de Locis in Hom.*
§. 54. Prædict. Lib. II. §. 29. Sect. I. aph. i. & passim alibi di-
 cit, quod *occasio sit præceps*, tamen tempori serviendum
 est & omnia justo ordine tractanda sunt, ne observatio
 hæc de velocitate occasionis in speculationem degene-
 ret & exinde aditus ad præcipitationem patefiat, quia
 occasio præceps datur: quanta enim damna fugitivæ
 illæ medicationes pariant, haud amplius laboriosa evo-
 lutione & demonstratione opus est, siquidem conser-
 vatio corporis humani tam in ordinario quam extraor-
 dinario statu certis ordinibus atque successibus nititur,
 ne-

neque ita præcociter obtineri aut promoveri potest: & quid multum dicamus de eo, quod in officio medico multa & eximia commoda è prudenti & tempestiva actione redundant, cum vicissim in solida & ingenua experientia abunde constet, quantæ utilitates per abstinentiam, expectationem, rationabilem cunctationem, omissionem & intermissionem certorum artificiorum unquam recuperatae fuerint: unde recte *Livius* dixit: *optimos imperatores & doctissimos medicos* sæpe numero nihil agendo plus efficere: *illos de hostibus, hos de morbis insignes reportare victorias*: neque hoc loco quidem propositum nostrum est, quo Therapiam illam privativam sive curationem morborum per abstinentiam latius commendemus, utpote quæ optima veterum fuit medicina; ubi non raro consultius ad imitationem horum fuisset, in diuersis morborum medicationibus nihil egisse, quam male egisse, aut juxta opiniones peruersas egisse: ita multæ morborum corruptiones & transfigurationes evitatae fuissent: sed ne in aliud propositum transiliamus, cum minime hac occasione constituerimus salutarem illam curam per abstinentiam exponere, id paulo pressius & proprius advertimus, quod non raro in Medicina practica rationabili cunctatione, patientia & *expectatione* opus sit: & hæ sanè sunt tales virtutes, quæ frequenter ad usum practicum applicari possunt, videlicet Temperantia, Patientia, Expectatio, Cunctatio, Constantia & Abstinentia, quæ præter reliquas magni momenti sunt: de singulis in tanto compendio differere velle, vix consultum esset, cum quælibet harum virtutum peculiarem commendationem promereatur: nos hac vice

ce tantum expectationem medicam feligimus, quæ minime cum negligentia & timiditate confundenda neque propterea explodenda, sed ut virtus artis medicæ potius commendanda & illustranda erit: hæc enim perinde ad medicum officiosum, prudentem & conscientiosum spectat, neque in otio hæret, sed providè discerit & observat morborum initia, incrementa, tempora, & successus, non minus de morborum indole accuratius judicat & quid, imo quando agendum & positivo auxilio succurrendum sit, providè attendit & ipsa temporaria omissione laboriosa & sollicita est: sed ne respectus inter se confundantur, minimè expediet omnes morbos expectando curare, sed uti non quoslibet morbos in primis suis initiis suffocare occasio datur, ita in defectu hujus adminiculi alia subsidia conferenda sunt, ex quibus hæc commendata prudens cunctatio & expectatio non insimæ dignitatis existit: & quemadmodum quilibet morbus suos successus, nimirum sua initia, incrementa, complementa & decrementa habet & unum alterum excipit, expectat atque sequitur, ita interdum artifex tempora talia exquisitè observare & secundum eorundem mutationem operari aut secundum horum temporum mutationem, opportunitatem agendi attendere & expectare debet: & ne adeo lata nobis hæc videatur acceptio, non raro illi casus eademque occasiones in experientia medica occurunt, ubi citra ullum concursum artificiale spontaneas illas morborum admodum abstrusorum expugnationes & curationes expectare convenit: unde certe prudens expectatio in omnibus operationibus eximias suas utilitates abunde comprobat

&

& quæ propterea pro principali subsidio agnoscitur , per quod eo certius res arduæ & difficiles ad exoptatum finem diriguntur & promoventur : inde innotuit Germanorum dicterium : man wolle seine Zeit schon ersehen und seinen Vortheil wohl beobachten , man werde sein Glück nicht versäumen oder verschlaffen , unde etiam rerum per expectationem obtentarum possessio atque utilitas magis ingenua , firma , solida & celebris est , quam earundem rerum usus , quæ per præcipitantiam , impatientiam & multum angorem comparatæ & impletatæ fuerant : interim prudens talis expectatio minime confundenda est cum astutia , vafricie , insidiis & fraudulentia , neque etiam cum socordia , negligentia & animi aversione , licet cum singulis hisce vitiis non raro expectatio concurrat : quemadmodum vero sincera expectatio sese in omnibus actionibus commendat , ita nobiscum constituimus pro Themate Inaugurali hanc virtutem in foro medico illustrare , applicare & præsenti dissertatione agere de *Expectatione Therapeutica* , sive ut titulus magis usu receptus est de CURA PER EXPECTATIONEM : quo vero hanc dignam atque solidam considerationem pro virium nostrarum imbecillitate atque tenuitate quadantenus commendemus & veritati medicæ velificemur , rogamus ante omnia Deum benignissimum , quo in pertractanda hac materia nobis gratia sua adsit , ut omnia feliciter cedant .

§. I.



Um propositum nostrum est *Expectationem Therapeuticam* sive *Curam per Expectationem* explicare & commendare, mox in primo ingressu & accessu in mentem nobis incidit *vulgaris illa & hodiernis moribus magis accommodata methodus medendi*, quæ admodum *impatiens, inquieta & præceps* passim observatur, qua morbi confessim obruuntur & non raro cum *magna* remediorum turma atque diffusa *copia* profligantur, sub suffragio & autoritate moniti illius *Ovidiani: Turpius ejicitur, quam non admittitur hospes:* & deterrere nos facile posset illa *præmatura officiositas & operositas medica*, dum interdum ne illa quidem patientia adhibetur, quo demum *vera* morbi *indoles* rectè innotescat, sed ad naufragium triviales illæ muliercularum nugæ ogganniuntur, man müssse der Krankheit die Macht benehmen, man müssse der Hize steuern und wehren, cum non raro cæcæ quædam curæ & iolicitudines in hoc conamine obtingant: neque certè infrequens est ille eventus, quod præmaturo tali ausu morbi imminentes, quorum decursus placidus, tranquillus & moderatus fuisset, mox in primis suis *initiis* valde confundantur, *corrumpantur & exacerbantur*, ubi vicissim attento & prudenti animo conferri debuisset, alterum illud *Ovidianum: temporibus medicina valet, dato tempore profunt*, quippe quæ *opportunitas æque* prudentem *expectationem ac officiositatem* involvit: neque quidem ullo modo abrogamus & reprobamus maturam & providam morborum *præoccupationem*, quin potius hoc loco illud tantum inferimus, quod vicissim eximiæ utilitates per expectationem obtineantur: quam frivola enim sit illa *præmatura* morborum aggressio, multiplicia documenta comprobare possent: è multis vero placet morbum il-

lum feligere & producere, qui ferme in omni *natione*, o-
 mni *tempore*, *ætate*, *sexu* &c. occurrit, videlicet *Febrem*,
 in cuius cura quot ac quanti *præmaturi* ausus sæpe contin-
 gant, res ipsa loquitur, ita ut mox in *initiis* satis *operose* re-
 media *diaphoretica*, alexipharmacæ, antidotalia, cardiaca,
 alexipharmacæ, refrigerantia, æstum cohibentia & similia
 valde *promiscuè* sæpè ingerantur, adeoque in primis illis
 limitibus natura humana per tot *diversa* ac *perversa* medi-
 camina magis, quam per reliquas circumstantias & conditi-
 ones, ad efficaciam *cœsæ morbificæ* spectantes, turbetur & e-
 nervetur: quin potius *Hippocrates* passim hanc *expectatio-*
nem & *patientiam* medicam cum multa & solida emphasi in-
 culcat, quo inter alia pertinet *Sect. I. aph. 20*, quæ *judicantur*
 & *judicata sunt perfectè*, neque *moveare* neque *vælego* nova
 nova facere, (excitare, exacerbare quoad pristinam suam
 valde perniciosem efficaciam denuo deteriorare) neque me-
 dicamentis neque aliis irritamentis, sed *sinere*: quot verba
 tot pondera: si tempus vacaret & propositum permitte-
 ret multa sane circa hunc aureum aphorismum notanda es-
 sent, quæ ad præsentem tractationem spectant, sed placet
 alium locum huic parallelum ad latus pônere: est *aphor. 22.*
cocta purgare & *moveare* oportet, non cruda, neque in princi-
 piis, nisi turgeant: plurima vero non turgent: quid igitur
 faciendum erit? *expecta paulisper*, *Hippocrates* dicit, *an-*
si *sed sinere!* manum de tabula! *expectandum* enim est,
 donec *cocta* sive præparata fuerit materia, tunc licet illam
moveare & *evacuare*, quod idem est ac vulgo dici solet: man
 soll erst die rechte Zeit erwarten, alias frustraneum esset de mor-
 borum temporibus differere velle, cum hæc diversitas mor-
 borum quoad *incrementa* & *decrementa* multum rationali
 Therapiæ non modo in genere velificetur, sed huic curæ
 rationabili per expectationem stabiliendæ & confirmandæ
 inserviat.

Sed dum *Curam per Expectationem* exponere cogitamus, mox duplex iterum generalis conspectus & conceptus hujus thematis indicandus & prævio quodam labore significandus est: etenim per *expectationem* curare & *salutares* effectus obtinere & promovere potest artifex, quando sub bono moderamine atque *regimine*, imo *negativa* aut privativa magis *Therapia*, in morbo quodam, *legitime* decurrente, naturæ *autocratiæ* invigilat atque attentè observat qua *activitate* & *sinceritate* eadem effectus illos, pro *causa morbifica* *subjuganda* & *expugnanda* idoneos, prosequatur, videlicet, quo tenore causæ nocivæ *præparandæ* & per efficaces se - atque *excretiones* removendæ operam det; in quo passù medicus *expectatorem* & *spectatorem* agit, minimè vero otiosum & negligentem speculatorem & observatorem, dum considerat an etiam natura *viribus sufficientibus* instructa sit quo actum talem *legitime* absolvat; an etiam negotia sua *methodicè* & legitimè tractet, ut minus consultum esse videatur, quo *positivo* auxilio medicus subveniat; an in tali officio ab *erroneis intentionibus* & *contentionibus* libera sit, ne à vero & *salutari* scopo deflectat; an circumstantiæ quædam *intervallare* & supervenire possint, quæ salutarem naturæ operationem ullo modo *turbare* valent, quibus solidè & tempestivè *avertendis* omnem curam & industriañ adhibeat, adeoque remotivè magis, quam *positivè* succurrat & sub tali *offendiculorum* remotione *expectet*, quomodo natura, sufficienti activitate instructa, ad *salutares* fines pertendat; interim neque ante talem principalem & specialem effectum, sanitati & vitalitati inservientem, artifex *positivum* stimulum addit, neque ipsum illum actum destinato quodam conatu & directo auxilio prosequitur, sed potius *expectat*, quid *natura* agit, dum ex certis & infallilibus circumstantiis colligit, quod omnino eadem tales *salutares* effectus tempore congruo præstitura sit: deinde

et-

etiam cura per expectationem exerceri potest, quando artifex non æque nudam naturæ autocratiam expectat, eidemve privativè magis recte dirigendæ intentus atque attentus est, sed quando ex peculiaribus & certis indiciis colligit, quod natura humana in arduis quibusdam negotiis absolvendis non sola sibi sufficiat, sed quod artis ministerio atque concursu opus sit, interea vero indoles præsentis morbi indicet, quod certa tempora, ratione decursus sui annotanda & observanda veniant, quibus salutares effectus promoveri debent: ob id hæc tempora cum prudenti moderamine medicus expectat, neque præmaturè atque impatienter aut præpostere & negligenter quicquam committit, sed officia sua ita tractat, prout scopo suo conveniunt, ut rationabilem medendi methodum exerceat, quæ expectando & operando efficacem & officiosam fese exhibit: de utraque expectationis therapevticæ specie nobis hac vice differendum erit, quia utraque minimè formaliter discrepat, sed apprimè convenit: unde nobis cura per expectationem est ille actus, quo artifex homini, vel proximius in morbos propendenti vel in morbis constituto, ita subvenit, ut naturam ex una parte nullis positivis auxiliis turbet, sed per remotionem accidentalium offendiculerum & ordinationem congrui regiminis ejusmodi spontaneam medelam sublevet & prosequatur aut congruis temporibus eandem allevet & ad salutares efficius ducat atque promoveat.

§. III.

Quemadmodum hoc respectu cura per expectationem multis modis utilis esse potest, ita tamen interdum occurruunt ejusmodi casus in quibus hæc cura exercenda quidem est, licet perfectam utilitatem non semper impetrat, quæ tantum propterea curæ nomine salutari mereatur, quia non modo alia ratione vel nihil obtinetur vel res in deteriorem statum conjicitur: & cum hæc consideratio eò præcipue pertineat, quo differentia hujus curæ ab aliis

virtutibus medico-practicis indicetur, ita præcipue hoc
 ordine brevibus annotare placet, quo modo cura per *expec-tationem* à cura per *abstinentiam* *discrepet*, aut
conveniat, aut sibi invicem *subserviat*; differt vero ab
 hac in eo, quoniam abstinentia medica *inter alia* officia
 versatur circa omissionem *incongruorum* remediorum, cum
 quibus vero ita directè & *essentialiter* aut prout proxima
 & *genuina* *indoles* involvit, cura per *expectationem* nullum
 commercium habet: attamen cum illa cura per *abstinentiam* in tantum etiam vicissim *convenit*, quoniam *interdum*
plane nulla positiva auxilia & remedia Pharmaceutica adhi-
bet, sed ab horum usu *abstinet*, quando natura in expugnan-
dis morbis *sola* sibi sufficit & satisfacit, nec *positivo* artificis
concursu indiget: unde etiam *Hippocratis notatu* digna ob-
 servatio inclaruit, quam proponit in *Lib. de arte:*
quod multi ægri, etiam medico non utentes, sanitatem re-
cuperaverint: quod Lemma medicum *Illustris Stahlius*
dissertatione de Medicina sine medico latius deduxit: proinde
 etiam hæc cura per abstinentiam in tantum obtestatur,
 quod varius morbus in *primis* suis invasionibus vix con-
 festim *indolem* suam prodat, sed quasi *ambiguos, occultos &*
corruptos ingressus servet, ubi plus *expectare* convenit, quo
 denique praesentis morbi constitutio atque *indoles* vergat
 & inclinet, cum vicissim citra abstinentiam per modum
experimentorum, juxta vulgarem morem licitorum, varia &
 quidem *universalia* commendari & ordinari possent: pro-
 inde hæc cura per expectationem differentiam suam ab aliis
 curationibus obtestatur, quando diversi morbi in *primis*
 suis *initiis* quoad specialem suam *indolem* non statim in-
 notescunt, ubi tam diu cum prudenti moderamine artifex
expectat, sed subinde etiam ab usu remediorum abstinet,
 donec *evidentera* signa quoad *decursum & successum* suum
 compareant: & licet quisquam hanc expectationem cum
abstinentia commiscere posset, tamen *expectatio* illa hujus
absti-

abstinentiæ *fundamentum* evadit & hæc illi inservit: quid quod hæc cura per expectationem exercetur, quando interdum morbi ejusmodi extremè *perversi* atque *corrupti* occurunt, in quorum cura ars *parum* efficere potest, quæ vero vicissim *naturæ* activitati & auxilio comittenda est, ubi artifex iterum potius *spectatorem* & *expectatorem* agit, atque *privativè* magis, quam *positivè* operatur & attendit, quid & quantum valeat natura in sōntico tali morbo expugnando: quo convenit illud *Celsi* monitum: *quod prudentis medici sit, cum, qui servari non potest, non attingere, ne cum, qui sorte sua interitus erat, occidi existimetur*: unde cura per expectationem illam *artis medicæ conditionem* involvit, quando citra usum *positivorum auxiliorum confessim oblatorum*, aut offerendorum potius *naturæ vires, ordinem, tempora concursum* atque *scopum* attendit, licet antea quidem aliqua remedia adhiberi *possent*, tamen in hoc statu aliquandiu expectat, quo in negotiis suis *circumspecte* procedat neque *temerè* neque *timidè*, neque *præcipitanter* neque *negligenter*: ex quibus animadversionibus facile colligere possumus, in quantum hæc cura per expectationem cum cura per *abstinentiam* conveniat aut ab hac discrepet.

§. IV.

Quam exosa vero hæc cura per expectationem illis esse possit, qui *characterem* medici hujusque *officium* in *prompta* & *frequenti* auxiliorum *ordinatione* & *mutatione* quærunt & supponunt, tam *utilis* & *multis modis* comprobata est eadem, non in rara, sed *multiplici* applicatione medico-practica, quas *palmarias utilitates* propterea commendare, colligere, & significare lubet: Est enim hæc cura 1) admodum *simplex*, *plana* & *sincera*, ita ut nullis particularibus *opinionibus*, *suppositionibus* & *artificiosis experimentis* nitaatur, quia potius ab illa *operosè* artificiali methodo penitus aliena est & *indubius* minimeque fallacibus fundamentis insistit, nimirum *genuinâ* morborum *Historiâ* atque facto:

2) deinde etiam *ordini, sensui, consensui & simplicitati naturæ*
 apprimè convenit, neque *alios motus & effectus vel alias*
vias aut alia tempora feligit, quam quæ ipsa *natura* præcipit
 atque feligit; & sicut *legitimus ordo naturæ optimus est*, ita
 qui eundem attendit, observat, imitatur & promovet, *opti-*
mum negotium committit, quod *vitæ & sanitati* subvenit:
 3) proinde hæc cura ita *provida & continens* existit, quo
 morbos vel imminentes, vel præsentes minimè *obruat* at-
 que *præcipitet*, sed eorundem legitimo *de cursu* atque *tem-*
porariis mutationibus, rite & dextrè tractandis, invigilet,
 & ita *opportunè negotia sua tractet* atque *dirigat*: 4) impri-
 mis vero illud singulare & laude dignum *commodum* af-
 fert & continet, quod *naturam minime turbet*, confundat,
 opprimat, *cogat*, immodestè *stimulet* atque *pervertat*, sed
sublevet, illius *vires conservet*, tueatur & protegat: 5) eo
 ipso vero hæc cura à detestandis illis *vitiis practicis* admo-
 dum aliena est, nimirum à *temeritate & negligentia*, sed o-
 mnia sua *officia continenter, prudenter & assiduè exercet*, dum
solicitè singulas circumstantias perpendit atque *compa-*
 rat: 6) maxime vero hæc cura artificem reddit *attentum*,
 quo videlicet morborum *ortus, incrementa & complementa*
 rectè *observet*, adeoque *obtingentes mutationes* cautè ad-
 vertat, de earundem *indole* rectè judicet, neque res suas *sub-*
reptitie & fugitivè, sed sub optima *connexione* gerat: 7) por-
 ro *præservat* animum à nimia diffusione in *multitudinem*
 remediorum prona, siquidem, primo *observat* an æque *ne-*
cessè sit, quo *positiva artifacia & auxilia concilientur*: de-
 inde etiam *præservat* à *confusione* rationabilium *indicatio-*
num, quæ proximè cum *indole* morbi conveniunt: 8) sub-
 inde vero hæc cura eximiam utilitatem confert *Historiæ*
practicæ morborum sive *experienciac* aut *observationi me-*
dicac, quam magis illustrat atque confirmat, dum ipso effe-
 ctu comprobat, quod non *frustra expectaverit*, sed *vero*
fundamento nixa sit: 9) neque etiam hæc cura illud abomi-
 nabile

nabile damnum affert, quod morbos *corrumpat*, invertat, neque *præmaturè cohibeat*: & licet satis sæpe *positivè cura illa utilis* existat, tamen interdum etiam *privativè salutaris* est, dum expectando abstinet ab *irritorum remediorum usu*: quidquod rationi magis conforme est, quo successus & *eventus* potius sub *tranquillo regimine* expectetur, quam per incongrua tentamina pervertatur: *Wer nicht helfen kan, hütet sich daß er nicht schade, und erwarte mehr den Erfolg, als daß er was ungereimtes vornehme, oder sich übereile.* 10) deinde etiam hæc cura ex illa ratione salubritatem suam comprobat, quoniam cum laudabili solicitudine & vigilantia *salutarium excretionum tempestivum*, sufficientem & convenientem *successum* respicit & attendit, adeoque circa illud negotium *præcipue* versatur, quod *directè* vitæ & sanitati prospicit: 11) non minus etiam hæc cura ab omni illo *periculo* libera est, quod cum eadem proximè cohære-re posset: nam licet interdum patientes succumbant & in illo morbo pereant, in quo hæc cura adhibita fuit, attamen hic funestus eventus ab illa cura minimè dependet, quæ ab omni periculosa audacia & negligentia aliena exi-stit, in quam propterea culpa funesti eventus conjici non potest: & denique 12) hæc cura, quia *rationalis* & prudens est, ab *empiricis* ausibus & tentaminibus valde abstrahit & abstinet: & si denique post adhibitam *expectationem* dignum & necessarium esse judicat, quo auxilia quædam adhibeantur, tunc nonnisi *certa*, fida, *ingenua* atque secura feligit & ordinat.

§. V.

Si in primas observationes hujus curæ per *expectationem* introspicere placet, sane minimè hoc inventum *recentioribus temporibus* adscribere possumus, licet hæc veritas magis in *posteritate* agnita & ad ulteriores utilitates applicata constet: unde potius confitemur, quod hæc cura *veteribus medicis arcana & sincera* methodus medendi fuerit, in qua non modo justa *tempora* morborum observanda &

servanda esse præceperunt, sed & solidè & sollicitè annotarunt, an *natura* sibi soli satisfaciat, an *vias* peculiares selegerit, an ipsa agat *à deo* quæ *conveniunt*: siquidem imprimis *Hippocrates* cum suis sequacibus cum laudabili industria in *tempora* morborum rectè inquirenda & commendanda eximiam solertiam adhibuit, adeoque *rationalem* suam Medicinam ab *Empiricis* ausibus repurgavit, siquidem in Empiricorum praxi plurima confusè, *præmaturè* & que ac *præpostorè* tractabantur, ne vero medicina in morbos tanta temeritate irruat, veteres medici probè morborum *tempora*, *initia*, *successus* & *de cursus* annotarunt & juxta hos ordines methodum medendi adornarunt, sed eo ipso subinde congruè hæc tempora *expectarunt*, neque negotia sua *perversè* traetarunt: aliàs tota hæc sollicita observatio parum utilitatis obtulisset, ni exinde *occasionses* & *opportunitates* aliquid committendi & omittendi magis innotescant & medici attendere debeant, quando & ubi aliquid operari conveniat: & hic labor veteribus medicis curæ cordique fuit, ubi frustraneum & impudicum conamen esset, veteres propterea invehere velle, quasi rem non melius intellexerint & quasi posteritas operosa sua curiositate, inventione & eximio apparatu longè melius morbis obviam ire calleat: cui gloriolæ minimè nos subscribere audemus, cum abundè constet, quantos morbos veneranda antiquitas *simplicissimis* consiliis & auxiliis feliciter & efficaciter ad stuporem neotericorum curaverit: ita ut animus noviratibus medicis indulgens in hac *ingenua simplicitate* veteres subrisione dignos aestimare interdum haud erubescat, sed tunc sanè omnino erubescere debeat, quando stupenda illa farrago tot *speciosorum* & *pretiosorum* auxiliorum id nunquam efficit, quod *simplicissima* veterum dexteritas præsttit: ad quos eximios & in posteritate notatu dignos effectus non parum contribuit prudens hæc *expectatio*, quæ veteribus valde usitata fuit, quorum animus

mus à *multitudine rerum* & *remediorum* liber, potius salutares *naturæ operationes* observavit atque expectavit; cum *impatiens* animus in posteritate non rarus, qui in *copiam auxiliorum* immersus est, quasi pro tormento habeat, si salutares effectus & eventus expectare debeat: inde innotuerunt illæ odiosæ formulæ: man müsse sich heut zu Tage um eine Sache bemühen: hinc *cunctandum* non est, *laborre* opus est: nam per expectationem, juxta effemina-
tam, Theoriam negliguntur commoda occasions: jux-
ta dicterium: *Hoffen und Harren* sc. & ita *abusum* cum ve-
ro, solido & prudenti *usu* pessimè quidam confundunt:
& quemadmodum veteres hanc curam per expectationem
pro aureo subsidio adhibuerunt, ita tamen è recentioribus
celebres quidam viri *vestigia veterum* secuti sunt: inter
quos præcipue *Baglivium* & *Sydenhamium* commendare
placet, sicuti *Harveus* curam suam per expectationem or-
bi erudito obtulit: tota vero *Excellentissimi Stahlii* & Theo-
ria & Methodus medendi in hoc negotio supplet, quod ve-
teribus & reliquis, qui in hanc curam oculum & animum
direxerunt, deficit.

§. VI.

Proximum est, ut nunc animo circumspiciamus *aptitudinem subjectorum* ægrotantium pro hac cura per expe-
ctionem exercenda & applicanda: sive quænam *subjecta habilia* reperiantur, ut in morbis eorundem hæc cura *ap-
plicari* queat, utpote quæ animadversio mox illud infert
& denotat, quod non *indiscretim* quælibet *subjecta* hūc
quadrent: unde 1) ad administrationem hujus curæ per
expectationem illa *subjecta* idonea sunt, quæ non ratio-
ne *ætatis* valdè *effæta* & nimio *senio* confecta & oppressa,
adeoque non valde *enervata* & in *energia* sua vitali ad-
modum torpida & emaciata, sed vicissim *vegeta* activita-
te prædicta sunt: 2) quæ non morbis indiscretim *corru-
ptis, immorigeris, implicatis, complicatis & perturbatis*, sed

legitimis & genuinis laborant: nam corrupta morborum in-
 doles liberum & facilem corundem decursum admodum
 pervertit atq; impedit & tot suspecta symptomata intermi-
 scet, quæ tempestiva artificiali medela indiget, in quibus non
 facile expectatio locum invenit & præcipue illa quæ absolu-
 tam & solam naturæ autocratiam in debellando tali morbo
 concernit: 3) & quando subjecta quædam olim morbis qui-
 busdam laborarunt, providendum & inquirendum est, an in
 iisdem cum sinistris medicamentis & methodis tractata fue-
 rint, an prægressus morbus vel superficiariè & palliativè cura-
 tus vel repente oppressus fuerit, quale quid si contigit, reddit
 subjecta talia in proximis morbis ad hanc curam quad-
 antenus inepta: 4) proinde patientes in diversis Chronicis
 morbis constituti ad illam præcipue curam per expectati-
 onem exercendam inepti sunt, in qua spontanea morborum
 expugnatio sive autocratia naturæ observatur & attenditur,
 cum in chronicis morbis variii anomaliæ motus occurrant,
 qui tempestiva correctione & positivo artis concursu indi-
 gent: 5) requiritur etiam de ejusmodi subjectis, ne antea
 in perverso, pravo & irregulari vitæ genere, ordinem mora-
 lium & vitalium functionum turbaverint & corruperint,
 utpote qualis prægressa irregularitas morborum futuro-
 rum successus legitimos admodum & evidenter pervertit,
 ut verum etiam in hoc passu sit dicterium, wie man lebet so
 stirbt man, confusa vita confusos morbos reddit, in quibus
 cura per expectationem non facile exerceri potest: 6) con-
 venit etiam, ne subjecta immoderatis & frequentibus pathe-
 ticiis commotionibus inhæreant, aut initia morbi præsen-
 tis cum iisdem perturbaverint, utpote quæ confusio mor-
 bi decursui tanto impetu illata tempestivam emendationem
 requirit, neque aliquam moram facile admittit: 7) similiter
 fonticæ & pravæ consuetudines subjecta ita inepta reddunt,
 quo minus propterea in iisdem salutaris successus aut ef-
 fectus directè expectari queat, sed ubi artifex constanter ar-

cere debet, ne consuetudines illæ diversas *anomalias* & va-
ria damna causentur & immisceant: 8) neque huc quadrant
subjecta valde *enervata*, aut quæ mox per *initia* morbus
cum nimio virium defectu corripit & opprimit, quales sunt
peracuti & *maligni* affectus, in quibus ob *expectationem*
hanc, & præcipuè vero illam, quæ *autocratiam* naturæ con-
cernit, ob per momenta *increbescensem* virium jacturam
mali potius successus metuendi essent: 9) non minus et-
iam convenit, quo subjecta non *nimum usui* medicamen-
torum *adsueta* sint, aliàs in actualibus morbis vix *sua spon- tè* & *legitimè* operatur natura individui, sed constantem
hunc *artificios*.m monitorem sive *pædagogum* expectat: &
denique 10) præstat, quo minus ejusmodi subjecta *diversorum*
medicorum directionibus & curationibus antehac sub-
missa & concredita fuerint, denn wenn einer rechts, der ande-
re lincs curiret, so leidet die Natur des Menschen Noth, quæ
natura in futuris morbis rectè tractandis admodum evaga-
tur.

§. VII.

Præter hos *generales* respectus, qui in cura per expe-
ctationem observandi sunt, notari adhuc debent *generica*
quædam *requisita*, quæ eo pertinent & quæ in tantum huic
curæ opitulantur, quo eadem *prudenter* & *efficaciter* ex-
erceatur: ob id 1) sciendum quod minimè *omnes* & *singuli*
morbi in omnibus *individualiis* pro objecto hujus curæ habe-
antur, etenim multiplices dantur morbi, in quibus artifex
spontaneam illam Therapiam aut exquisita & *stata tempora*
haud expectare, sed vel in *primis initii* morbum aliquem
coercere, vel causæ morbificæ in futurum nullam *moram*
relinquere, quin potius citò & expedite profligare debet:
2) perinde etiam convenit, ne artifex sub bona specie curæ
per expectationem negotia sua *negligenter*, *securè*, *otiosè*
& *incuriose* tractet; superius enim dictum fuit quod hæc cu-
ra non sit otiosa, sed omnes circumstantias bene ponderet,

obseruet & conferat : quid quod 3) porro cavendum est ne quisquam nimis *præcipitanter* concludat , quasi *omnis medica & positiva* artificiosa medela *non necessaria* sit , si salutares effectus expectari debeant : inde ulterius colligunt , quasi medicina planè *inutilis* sit , præprimis cum videantur multi *sine medico* curati : quod dubium solvit *Hippocrates* in libro *de arte* , & dicit *quod multi quidem sanentur sine medico sed non sine medicina* , si quidem etiam *regimen congruum medicinæ vices* supplet , aut medicinæ *nomine* salutari meretur : 4) interest etiam ne artifex viribus naturæ *promiscue nimium* confidat & præmaturè concludat : si natura est morborum medicatrix , ergo *omnes morbos in omnibus subjectis sanare debet* ; cum si nihil aliud regerere placuerit , [cum propositum non sit latius digredi] illud tamen notari debeat , quod interdum fragile corpus humanum tales morbi invadant , qui neque à *natura* neque *arte* curari possunt , evidenti testimonio *internarum corruptionum* ; convenit propterea potius *vires naturæ* bene explorare , an *èò usque* sufficient & satisfaciant , quo morbificam causam exterminare & *superare valeant* 5) neque etiam consultum est , ibi expectare & morram nectere , ubi affectus est *præceps* , neque *moram* admittit , v. g. post ingesta *venena* , in affectibus *contagiosis* , præfente *sphacelo* , imminentे *suffocatione* , aut præsentibus *enormibus Hæmorrhagiis &c.* 6) multo minus cura per expectationem exerceri potest , ubi natura neque *energetico* neque *synergetico* actu quicquā valet , sed ubi *absoluta* arte opus est , v. g. in corruptione putrida , in luxationibus restituendis , in internis (si possibile esset) concrementis removendis &c. 7) non minus etiam cavendum est , ne hæc cura per expectationem extendatur ultra suam sphæram videlicet ultra *legitimas* morborum *periodos* aut veram *opportunitatem* agendi , v. g. si quis in affectibus Cholericis *nimis diu* expectaverit spontaneas bilis *dejectiones* , quas post nimium & diuturnum defectum demum promovere cogitat , tunc *serius & præposste-*

sterè officio suo defungitur & cum damno atque errore ex-
 pectavit artifex , quia interea bilis perniciem suam intulit
 & interdum ob nimiam talem expectationem *hæc* access-
 fit: 8) sedulò porrò abstinentum est, ne sub hac cura, per
 expectationem administrata , *perversa*, prava & indiscreta
regimina conferantur, qualis error totam nostram *saluta-*
rem intentionem diruit & destruit: 9) subinde etiam re-
 quiritur, ne hæc cura nimium *abbrevietur*, adeoque *fugi-*
tivè & *inconstanter* tractetur , aliâs vix hoc nomine digna
 censeri potest & interdum ex ejusmodi præcipitania & in-
 constantia *inopportunæ* plane actiones desultant: 10) mul-
 tum vero refert, quo sub hac cura prudenter, attentè & as-
 fiduè obseruentur & conferantur *successus* motuum & effe-
 ctuum *vitalium* in tali morbo, ex quibus artifex eò magis de-
 indole morbi & veritate actus naturæ *autocratici* certiora-
 tur & confirmatur: 11) quin licet etiam nonnunquam sub
 hac cura *viribus* naturæ succurrere, ne hæc *delinquant*, ubi
 non æque necesse semper est causam *morbificam* aggredi &
 expellere: 12) & denique requiritur cum hæc cura sub hac
 expectatione à positivis & directis interdum auxiliis absti-
 neat, quo tamen *privativa* methodus sollicitè adhibetur
 & talia sedulo prohibeantur & omittantur, quæ præsentem
 morbi decursum alterare & *turbare* possunt.

§. VIII.

Cum hactenus varias *generales* & ad præsentem tra-
 dationem necessarias considerationes præmiserimus, nunc
 placet ad paulo *specialiores* animadversiones progredi & in
 diversis *affectuum speciminibus* atque exemplis common-
 strare, *ubi* & *quo ordine* cura per expectationem applicari
 possit. Inter causas vero *principaliores*, ad morbos provo-
 candos, non modo efficaces, sed & frequentius obvias, hoc
 loco *Plethora* allegamus, quæ *mater* & *nutrix* multiplicium
ægrotationum evadit & partim ad *sanguineos* partim ad
serosos affectus contribuit: sicut vero hæc *Plethora* non *in-*
discre-

discretim nociva existit, dum varia subjecta abundantem sanguinem *sine danno* satis diu gestant, ita præcipue illæ *conditiones* observandæ & inquirendæ sunt, quæ ad *morbos* constituendos concurrunt: si itaque in diversis subjectis non modo *plethora* *præsens*, sed eadem subinde variis *com-motionibus* & inturgefaktionibus obnoxia est, propterea valde *molesta* existit, tunc *salutare* omnino esset opus, si proportionatæ, tempestivæ & moderatæ *Hæmorrhagiæ* obtinerent, utpote quæ sunt *simplicissimum* auxilium *naturæ*, per quod non modo præsentem *plethora* *molestam* curat, sed & *imminentes* & ex hac *plethora* prodeuntes ægrotationes præoccupat: si hoc perpendit artifex, minimè tunc consultum erit *promiscuè* *Hæmorrhagiæ* impellere & urgere, sub illa *præcipitata* conclusione v. g. hic est *plethoricus*, *Hæmorrhagiæ* vero sunt *medicina* *plethora*, & quia hic non *spontaneas* *Hæmorrhagiæ* experitur, ergo ex officio medici fluit, quo ipsi ejusmodi *Hæmorrhagiæ* concilientur & concitentur: quo valet Germanorum dicterium *was eis-nen nicht brennet, soll man nicht löschen*: siquidem non *omnis* *plethora* *Hæmorrhagia* opus habet: quare *Plethora*, licet *multorum* *morborum* causa fiat, non ita confessim & *præcipitanter* profliganda est, sed *expectatione* opus erit, donec videlicet eadem in *illum statum* devenit, in quo ad *morbos* causandos efficax deprehenditur: unde irritum es-set tentamen, si quisquam mox ad *Hæmorrhagiæ* commovendas & conciliandas confugeret: v. g. si de *Hæmor-rhoidibus* prædicatur, quod tot *utilitates* inferant, & aliis mox quasi ex abrupto in *diversis individuis* *Hæmorrhoides* provocare & urgere vellet, in quibus neque *in genere* san-guinis abundantia *molesta* est, neque *seorsim* in abdomen *incommoda* & suspecta existit, *sterilis* hic esset conatus practicus: quod idem valet de *Mensibus*, quando in diuersis puellis non exquisitè decimo tertio aut decimo quarto æ-tatis anno erumpunt, neque ita exactè quinquagesimo an-

no desinunt, si quisquam eò *confestim* confugeret, quo inox
per *emmenagoga* remedia menses impellerentur & per *ad-*
stringentia cohicerentur: in hisce casibus convenit *expe-*
ctare, donec motus aut *molimina* ad hos fluxus *spectantia* ori-
untur, quibus promovendis tunc *demum* operam dare de-
bet artifex, neque *præmaturè* in has Hæmorrhagias ope-
rari, quoniam omnes *coactæ* commotiones variis *anomali-*
cis successibus obnoxiae sunt: hinc *plethora* satis sæpe per
expectationem curanda est.

§. IX.

Quod modo dictum fuit, de curatione plethoræ per
spontaneas *Hæmorrhagias*, id ipsum etiam valet de *arti-*
ficialibus sanguinis subtractionibus, sicut enim non omnis
plethora *morbida* est, nisi illa, quæ valde *commota* & *mole-*
sta existit, neque propterea *omni* plethoræ imminuendæ
natura *spontaneas* methodos & vires adhibet, ita *vanum*
esset conamen, si quisquam *præmaturè* sub spe *præoccu-*
pandorum morborum plethoram ventilare vellet, cum di-
versa subjecta non statim habeant, quo morbos *metuant*,
licet plethorica sint, unde prudentis artificis est, quo de-
nuo *illum statum* plethoræ expectet, qui aliqua medica-
tione *opus* habet: quod si enim *præmaturè* quisquam *tran-*
quillam & *temperatam* plethoram aggrediatur, tunc de-
num *ansam* præbet, quo in *futurum* eadem variis imino-
deratis *commotionibus* subjiciatur: id certè illi experiun-
tur homines, qui interdui *præter* ullam *necessitatem*, vel
ex mera *curiositate* vel ex nimio *metu mortis* *VenæSectioni-*
bis sese submittunt & qui antea *vegeti* & *sanis* fuerunt,
imposterum variis *congestoriis*, *spasmodicis*, *inflammatoriis*
aut *febrilibus* *commotionibus* obnoxii redduntur; idem
contingit, quando post *commotiones* corporis & ani-
mi quidam sub intentione & pollicitatione *præoccu-*
pandarum febrium acutarum *fugitivè* & cum impatiens
VenæSectionem ordinant & injungunt, sed eo ipso

ultimum *stimulum* atque lapidem admovent, quo *intimior*
commotio *sangvinis* exoriatur atque ita *febris acuta* demū
 irruat & exardescat; sicuti in Historia practica ille effectus
 & eventus admodum cognitus est, quomodo per *inopportunas*
VenæSectiones exquisitæ & vehementes, imò peri-
 culosæ *febres* commotæ & provocatæ fuerint: & ejusmodi
inopportunæ *sangvinis* missiones cum perniciosis suis effe-
 tibus illis imprimis inserviunt, qui *indifferenter* articia-
 les *sangvinis* subtractiones contemnunt & condemnant &
 à *particulari* ad *universale* argumentantur: ex hac vero con-
 sideratione illud inferimus, quod artifices minimè tam cæ-
 co pruritu in plethora curam ruere debeant, sed *opportu-*
nitatem agendi cum prudenti moderamine attendere & ex-
 pectare, ante omnia vero accuratè annotare, an præfens
 plethora naturæ *adversa*, aliena & *molesta*, an per varias *in-*
solitas commotiones ita excitata sit, quo ad *morbos* inferendos
 apta evadat, an ipsa *natura* interdum *imminuendæ* plethora
 per *peculiares commotiones vires* applicaverit: in quo
 negotio neutquam artifex *otiosè* expectat, sed cum lauda-
 bili *solertia* id efficit, quod *officii* sui est, nimirum quod na-
 turæ *ministret* & illius motus atque conatus provide obser-
 vet: quo loco vero adhuc alia expectatio commendanda
 erit, ne ex hac demonstratione præcipitantia in *applicatio-*
ne & ultima ordinatione prodeat, videlicet ne tam facile
 atque promptè *curatoriæ* tales missiones sangvinis suscipi-
 antur: sed convenit, post illam cognitionem, quod huic
 vel alteri subiecto VenæSectio necessaria sit, demum expe-
 ctare *tempora* illa, quibus *pro ratione* afflictionis, per vices
 recurrentis, talis ventilatio sangvinis commoda adhiberi
 potest, ne *præmature* tale auxilium applicetur.

§. X.

A Plethora consideratione convertimus nos ad *Hæ-*
morrhagiarum perlustrationem & commonstrabimus, quo-
 modo in illarum cura artifex non raro per *expectationem*
 cor-

corporis *salubritati* invigilare possit : loquimur vero de
 Hæmorrhagiis *sponte* fluentibus & è *congruis* locis erum-
 pentibus, quæ *justo*, sufficienti & *legitimo* suo successu *uti-*
litatem suam abunde comprobant: quemadmodum vero
 Hæmorrhagiæ sub salutari naturæ conamine *superfluum*
 & *molestem* sanguinem imminuunt, ita minimè *præmaturus*
 metus animum artificis occupare debet , quasi talis Hæ-
 morrhagia *excedat*, vel si sibi relinquatur, *facile* in exces-
 sum degenerare possit, unde *fugitivo* conatu & impatienti
 atque *præcipiti* tentamine ad illius *cohibitionem* manum ap-
 plicant, cum tamen hic sanguinis fluxus *aliquandiu* tolera-
 ri debuisset, ob id *præmaturæ* tales occlusiones & *pertur-*
bationes valde & omnino *iniquæ* sunt, quæ proinde in pe-
 ricolosam *retentionem* & *suppressionem* ejusdem Hæmor-
 rhagiæ abeunt: unde neque consultum est, tam subito & *con-*
festim talem sanguinis fluxum expavescere & juxta *effoemi-*
natam opinionem mox metuere & hariolari, quasi cum san-
 gvine *vires* effundantur & consumantur, cum tamen *vires*
 non sint *in sangvine* & *ipse sanguis* in ordine & relatione
 erga conservationem sui, viribus demum *indigeat*: sed præ-
 stat antea absque ullo *præjudicio* ponderare & prudenter
 examinare *statum* subjectorum, an hisce ob *plenitudinem*
 sanguinis talis *Hæmorrhagia* conveniat, proinde an ob *acti-*
vitatem reliquam *animi* & *naturæ*, ob vigorem *juventutis*
 ob frequenter commotionem *patheticam*, ob diætam te-
 nuem & *spirituosa* &c. proficiat, quo sanguis efficacius
 liberalius & *copiosius* eliminetur , ubi frustraneus erit me-
 tus, quasi talis Hæmorrhagia *excessiva* sit & actuale detri-
 mentum afferat & inferat: unde consultius egerit artifex,
 si cum moderamine & *justo regimine* expectat, donec na-
 tura sua *sponte* à tali Hæmorrhagia remittat, eandemque
 denuò *retineat*: quodsi enim medicus contra *sensum* &
consensum naturæ *præmaturè* ejusmodi actui *turbas* & *im-*
pedimenta inferat, tunc eò *periculosiores* exinde emergunt

affectus & consecutiones: ad minimum eousque prudens artifex expectare debet, donec talis Hæmorrhagia actu excedat: nam si ante excessum eandem cohibet, tunc justum ejusmodi successum offendit: illud enim constans est experientiæ medicæ testimonium & documentum, quod Hæmorrhagiæ frequentius in defectu quam in excessu laborent, unde antea artifex de eo certus esse debet, an æque eadem positivè & verè nunc excedant: & hæc cura per expectationem in negotio Hæmorrhagiarum illam salubritatem multis modis commendandam, involvit, quod sensibilis earundem decursus non offendatur, adeoque tot fontica pathemata evitentur, quæ ab earundem perturbatione æquiori & certiori metu expectanda essent: cuius rei testimonium perhibent imprimis *Hæmorrhoides, Menses & Lochiorum* fluxus, quò Hæmorrhagias post abortum referimus, quæ præmaturè oppressæ inter alia incommoda ad futuros abortus eò certius disponunt.

§. XI.

Hæmorrhagiarum consideratio dicit nos ad molimatum hæmorrhagicorum disquisitionem, in quibus perinde non raro cum multo emolumento cura per expectationem exerceri potest, sermo nobis est de ejusmodi commotionibus acerbioribus & impetuosioribus ad Hæmorrhagias tendentibus, quales sunt congestoriæ, quæ ad ultimam sanguinis eruptionem collineant, sed quæ interdum ita implicatæ, æquivocæ, sensibiles & immoderatæ sunt, ut nullum positivum adjumentum facile admittant, ni in impetuosiores commotiones spasmodicas, inflammatorias aut febries transeant, unde minimè consultum est, quo artifex priores motus ita impellat atque urgeat, ut spem ludicram & credulam formet de facilis impetranda actuali Hæmorrhagiæ promotione: ex ejusmodi casibus & occasionibus producimus apparatus ad Mensium fluxus collimantes, qui interdum ita immorigeri sunt, ut si artifex cum emmenagogis suis re-

mediis mox irruit & confugit, facile subinde vehementes *spasticos* aut *convulsivos* motus excitet, de qua re egit D. D. *Præses Disp. de mensum anomaliis convulsivis*: aut si in *senibus plethoriciis* oriuntur molimina ad *Hæmorrhagiam narium* tendentia, tunc certe perperam egerit medicus, si hæc molimina cum *catidis* medicaminibus & regiminibus adjuvare contendit, ubi exempla prostant, quomodo interdum in tali passu per ejusmodi methodum, licet interdum sub *alia intentione, apoplectici & paralytici* affectus provocati fuerint: idem etiam valet, de inconsulta *Hæmorrhoidum* promotione, quando molimina quædam circa Venam Portæ progrediuntur, ubi per vulgarem usum *aloticorum, helleborinorum, aromaticorum, spirituosorum*, interdum gravissimi *hypochondriaci* affectus, nonnunquam *infarctus* suspecti viscerum imprimis *Hepatis & Splenis*, aliquando atrocissimi *colici* cruciatus, quandoque plane internæ *inflammatoriæ* commotiones excitantur: sub hisce vero apparatibus, rectius artifex *expectare* & non ita *fugitivè*, directè & positivè in negotium illud ruere aut naturam valde commovere, sed sub *privativa* methodo continent & prudenter *naturæ activitatem* observare, *incongrua* accidentia removere, bonum *regimen* ordinare, ad minimum illa *tempora atque occasiones*, in quibus à nimio suo impetu & fervore congestorio natura abstinuit & tranquillior atque *moderatior* redditia est, expectare & tunc demum ad *positivam* salutaris ejusmodi *Hæmorrhagiæ* promotionem concurrere debet, ne *præmatura* quadam *operositate* aut culposa *præcipitantia* *prædictis gravioribus* affectibus ansam præbeat: loquimur vero hoc loco de eo, quod artifex sub ejusmodi moliminibus *acerbioribus Hæmorrhagiæ* non *directè* artificioso suo concursu naturam *impellere* & urgere, sed *aliam occasionem* expectare, interea vero eandem naturam *impetuosis* ad scopum hunc ruentem & tendentem *mitigare* & *complacare* debeat, ne in

molimine tali *excedat* & loco *salutaris* sui finis atque exitus, varia incommoda & graviora mala inferat; & quod hoc loco de Narium Hæmorrhagia, Mensibus & Hæmorrhoidibus diximus, illud etiam valet de *Lochiorum* fluxu, quando *defectivè* succedit, attamen per motus quosdam *spasticos* urgetur: quid unquam in tali casu & passu remedia *impellentia* indiscretim adhibita præstiterunt, experientia consulenda erit: nos dicimus quod circa hunc finem & affectus ejusmodi conspectum aliquandiu medicus *acquiescere* & *expectare*, alias vero salutares intentiones interea exequi & ad futuram *tranquilliorem* Hæmorrhagiarum promotionem viam & aditum parare debeat: quod nunc de *moliminibus hæmorrhagicis* dictum sufficiat.

§. XII.

Si ullus vero notatu *dignus* affectus occurrit, in quo cura per expectationem cum *eximio* emolumento applicari potest, tunc sane Febris est, affectus non modo quoad invasionem *frequens*, sed & quoad indolem suam *celebris*, in quo non modo artifex congrua *tempora* & oportunas *occasiones* expectare debet, sed & ubi sub usu boni moderaminis & *regiminis* solam naturæ *medicationem* & opem citra *positivum* concursum interdum expectare potest: in hac febre subinde non infreenter hæc *expectatio* cum longe majori commodo & adjumento adhiberi potest, quam si *operosa* & *officiosa* ars solicitè & frequenter remedia magnorum titulorum & encomiorum obtruserit, siquidem ipsa experientia teste *interdum* patientes sub hujus curæ usu & *citius* & *firmius* & *sincerius* convalescunt, quando sine ulla artificiosa *correctione* natura suis viribus sufficienter instructa, *simplici* methodo ad salutares effectus atque scopos tendit: & sicut ipsa Febris *actus naturæ* est *extraordinariæ* inventionis atque dignitatis, in quo *singularis* illius activitas & *prudentia* inclarescit, ita in eadem *expectatio* cum singulari prudentia adhiberi potest & debet:

bet: nititur vero hæc partim ipsa illa *autocratia* ejusdem
 naturæ per quam periculum imminens *sua sponte* superat
 & avertit, partim illa *ordinata* & proportionata motuum
 febrilium administrationē & directione, qua rationem *tem-
 poris* exacte servat, neque *confuse* & perverse operatur:
 sunt vero illi *ordines*, quos natura in *febribus* ritè perfici-
 endis applicat, dum antea *causam morbificam* bene & suffi-
 cienter *præparat*, deinde legitimè *separat* & secernit, &
 denique etiam *eliminat* atque excernit, quas singulas ope-
 rationes ita perpetrat, ut nihil *præmtaurè* aut *præpostere*
 perficiat, sed tempore *congruo* exerceat, adeoque ipsamet
expectet, donec materia legitimè *præparata* & convenienter
secreta est, quo peracto denique eadem *ultimam* evacu-
 ationem celebrat: qui ordo si ullo modo *offenditur*, non
 nisi *erroneos* successus & eventus involvit; si itaque artifex
exsubjecti febricitantis indole & reliqua vegeta constitutio-
 ne, nec non ipsius *febris* legitima invasione & temperata
 progressionē colligit atque rationabiliter judicat, quod in
 tali febre ipsa natura *sibi sufficiat*, neque ullis *positivis* artifi-
 ciis aut artificiosis manuductionibus & *provocationibus* in-
 digeat, tunc & prudenter & convenienter suo officio fun-
 gitur, quando *spectatorem* & *expectatorem* medicus agit, &
 tantum ab *extra* removet atque *præoccupat*, quæ per *acci-
 dens* in tali salutari opere naturam offendere & turbare pos-
 sunt: quod si enim medicus *præter necessitatem* manus suas
 positivè & impatienter huic negotio immiscuerit, tunc
 per *præmaturam* suam officiositatem naturam potius impe-
 dit & ægre afficit, quam reficit & sublevat: idquod ipsum
 quotidianis exemplis in *moralibus* occurrit, quam ægrè
 perferat natura tales obtrusiones cum ipsa satis capax sit
 ad negotium quoddam perficiendum: in tali itaque passu
 recte agit artifex, quando salutarem naturæ operationem
 & congruum effectum expectat: deinde si medicus quidem
 percipit & agnoscit, quod in febre quadam ritè deducenda
 &

& absolvenda, naturæ *positivo* auxilio & adjumento subveniendum sit, tunc hoc suum officium atque ministerium minimè *præcociter* administrare, sed ipsa *illa tempora* & congruas occasions *expectare* debet, secundum quas natura *hanc speciem* febris instruit; unde *temerarius* esset ausus, si *confestim* excretiones febriles urgeret & impelleret, neque prudenter & patienter sufficientem materiæ *præparationem* expectaret, aut si ante *sufficientem* excretionem *motum* febrilem obrueret, *opprimeret* & turbaret, quin potius interest, quo omnia juxta *ordinem*, febri competentem, perpetrentur, quo vero omnino prudenti & temperata *expectatione* opus est, uti mox pluribus indicabimus.

§. XIII.

Sed quo paulo clarius de hoc negotio differamus & mentem nostram explicemus, dictum fuit quod *febres* habeant suos *ordines* atque *proportionatos* successus, & quod in iisdem legitima materiæ febrilis *præparatio antecedat* & *sufficienter* etiam *succedat*, ut vel ex ipso *sanguine* adhærentes & *inhærentes* subtile斯 materiæ nocivæ abstergantur & *educantur*, vel ita *liberatæ* postea cum aliis humoribus confluentibus excrementitiis *involvantur* & in *mobilem* consistentiam redigantur, porro in *congrua* receptacula transferantur & eo *secernantur*, atque ita in copia quadam collectæ, denique *evacuentur*, utpote qui ordo atque actus *tamdiu* continuare debet, donec corpus à *peccante causa liberatum* & repurgatum est: cum vero *prævia* illa *præparatio* non nisi certis *motibus* impetretur, ita haud *inordinata* deprehenditur natura in *legitima febrium* administratione, ut tunc motus *excretorios* suscipiat, quando materia *præparanda* est, qualis *inversio* salutaris ordinis febrilis non nisi *perniciosa* esse potest: ad *præparandam* itaque materiam febrilem pertinet, quo sub *intensiori* sanguinis transpressione per partes solidas, *fibrosas*, successi-

vè cohærentes materiæ peccantes avellantur & abradantur,
 cuius intensoris commotionis inseparabile confectionarium
 calor & æstus intensor & acerbior est: vel ad hanc præpa-
 rationem requiritur, quo sub auctiori tali commotione è
 partibus afflatis resorbeatur & abstergatur vel sanguis incar-
 ceratus vel adhærens quædam ulcerosa materia, quod præ-
 cipuè valet de hectica & inflammatoria febre; cuius auctioris
 commotionis confectionarium idem est, nimirum major æstus:
 vel præparatur etiam materia peccans, quando ab aliis par-
 tibus, imprimis vero ab extremitate corporis ad interna vi-
 scera, ubi materia febrilis delitescit, humores assunduntur,
 & eo volubiliores, mobiliores & fluidiores substantiæ ve-
 huntur, quo illa materia febrilis emolliatur, adeoque è car-
 ceribus suis ducatur: cuius restrictionis à superficie corpo-
 ris ad interiora confectionarium est frigus: sicut & præpara-
 torio & secretorio & excretorio effectui velificatur sufficiens
 organorum capacitas, amplitudo & permeabilitas, cui pro-
 movendæ eadem repressio sanguinis à peripheria ad interna
 viscera inservit: ex quo facile colligere licet, quomodo
 hos ordines artifex apprimè attendere & dextrè i-
 mitari debeat: imò imprudens audacia esset, si quisquam
 vellet sub vigore æstus febrilis evacuationes urgere, sudores
 elicere, exstimulare, & ægrotantem cum diaphoreticis regi-
 minibus & medicaminibus torquere: expectandum potius
 est, donec in actu præparatorio vel sua sponte natura ad suffi-
 cientem & salutarem effectum pertigit, vel eo etiam certis
 adminiculis promota fuit, quid quod expectandum est, quo
 sufficiens talis præparatio præcesserit, ne nimis fugitivè &
 præmaturè ad excretiones properet: unde etiam veteres
 dixerunt, quod cocta movenda sint & non cruda: & ita par-
 tim ratio sana, partim indoles ipsa febris indicat, quid de ta-
 li prudenti expectatione sperandum, & contra quid de te-
 merario & præmaturo impulsu metuendum sit: idem etiam
 valet, quod in acutis febribus, quando horripilatio affligit

nulla excretio *diaphoretica* concitari & in *intermittentibus*
 nulla *emetica* aut *cathartica* evacuatio sub *horrore* & fri-
 gore provocari debeat: *expedandum* itaque est, donec
 vel ipsa natura post præviam præparationem materiæ
sponte ejusmodi evacuationem subordinet, vel per motus
 præcedentes materiam morbificam ad faciliorem & prom-
 ptiorem evacuationem, *arte* provocandam, prædisposue-
 rit: utpote quæ cura per expectationem juxta hanc simpli-
 cissimam rationem & administrationem in experientia me-
 dica salubritatem suam promittit.

§. XIV.

Principalis utilitas curæ per expectationem inclare-
 scit in *Crisibus febrilibus*, quando videlicet materia pec-
 cans *certo* & *destinato* die, posteaquam sufficenter *cocta* sive
præparata fuit *simul* & *semel* ejicitur, adeoque *unico* hoc
 excretorio *solenni* & *singulari* actu corpus liberatur, in quo
 hi respectus eximiæ dignitatis observandi sunt, quod natu-
 ra in crisibus perficiendis ut plurimum *sufficenter* viribus
 instrueta sit, imò quod peculiari consilio & exquisita *ex-
 traordinaria* activitate crises *inveniat*, suscipiat atque diri-
 gat, tanto magis verò quod tam exacta *periodo* eandem ab-
 solvat & *certis diebus* apparatus suos atque *præparationes*
 administret, certo etiam die ultimum actum *excretorium*
exequatur, adeoque motus suos sub solicita & accurata di-
 rectione prosequatur, neque *maturius* materiæ evacuandæ
 expulsionem prosequatur, donec eadem *sufficenter* &
 quantum ad *simultaneum* actum excretorium pertinet il-
 lam *præparaverit*; interea eadem natura tamdiu *expectat*,
 usque dum *apparatus* hosce condigne absolvit & præmisit:
 & quemadmodum ejusmodi crises, si *legitimè* decurrunt,
 omnino *salutariter* exeunt & simultaneam opem afferunt,
 ita quidem consultum esset, si natura humana ubique tam
expeditè & *ordinatè* negotia sua perduceret: interea vero vi-
 cißim inconsultum & non nisi cæcus ausus esset, si artifex

qua-

quavis vi & quocunq; *impulso* ejusmodi crises prosequatur, vel eo naturam *cogat*, commoveat, & *necessitet*, quin potius prudenter & cum moderamine *expectare* debet, donec *ipsa natura* ad actum talem sese accingat, eundemque suscipiat: quod si etiam contigerit, ut in febribus *apparatus* ad futuram *crisis* spectantes compareant, tunc perinde medicus cum prudentia & temperantia *crisis* *expectare* debet, minimè vero eandem *præcipitare* & *impetuose concitare*, sed ita invigilare, quo *moderatè* & efficaciter eadem decurrat, quare Hippocrates *Sect. I. aph. 19.* dixit: *quæ* *judicantur* & *judicata* *sunt*, neque mouere oportet, neque innovare sive purgantibus, sive aliis irritamentis, sed sineere. Alibi dicit: *quiescendum est*, quod certo respectu nihil aliud est, quam *expectatio*: repetit hoc senex *lib. de Humoribus §. 3. text. 83.* & dum æquivocus valde actus est, quo quidam crises *præoccupare* præcipiunt, adeoque *apparatus* illos *intercipere* jubent, ita officio medici magis consentaneum esse nobis videtur, quando etiam in tali statu *prudenter* expectat, ac *instantem* *crisis* minimè turbat aut *supprimit*: cum quo consilio multi ex veteribus, quibus negotium criseos recte perspectum est, consentiunt & propterea in directorio actus critici multam prudentiam & dexteritatem ordinant & commendant: quo adhuc illud adjiciendum est, quod, cum juxta veterum dicerum *nihil paucum criticum sit*, propterea artifex sollicitè evitare debeat, ne excretionem criticam, dum *succedit*, offendat, neve *largiorem* evacuationem abhorrescat, ne eandem *præmature* obruat & *supprimat*, sed in tantum sufficientem illius successum *placidè expectet*, & si necessitas *dum* requirit atque *urget*, eandem mitiget & *coerceat*: quo vero in hoc negotio magis *ordinatè* artifex procedat, fas est, quo antea non modo febris, sed & *criseos* febrilis veram *indolem* recte agnoscat & *tempora* discreta, quæ occurruunt, bene observet.

Hæc salutaris cura per expectationem subinde etiam sese extendit ad *exanthematicas* febres , quarum excretio *pustularis* vel *maculosa* , licet non æque exquisitè *critica* sit , tamen *proportionatis* febrium *periodis* communibus exactè respondent , ita ut neque *præmaturè* neque *præpostorè* contingere debeat : utut vero in talibus febribus *absolutè salutare* est , quo exanthemata talia *efflorescant* , tamen etiam pro *indole* talium febrium absolute *congruum* & *salutare* est , quo eadem *justo tempore* erumpant : etenim communiter periculofum , ad minimum *suspectum* indicium est , si illa *præmature* erumpunt , ubi contingit , ut facile *fugiant* & retrocedant , omissis aliis *ominosis* successibus & accidentibus effectibus ; unde convenit , quo eadem *stato* & *convenienti* die ab intra extrorsum transferantur : quæ singularis qualitas salutaris illius methodi est , quam natura in febribus talibus , recte deducendis , servat : quemadmodum vero ipsa , si officio suo ritè defungitur , hanc efflorescentiam non *præcipitat* , sed sub laudabili *moderamine* & *continentia* perficit , licet eandem *maturius* administrare posset , testimonio *variolarum* , *morbillorum* , *petechiarum* (sicut *morbilli* præprimis anno præterito hic loci à sua genuina *indole* degenerarunt & sub multo anomalico successu *præmaturè* effloruerunt) imò quemadmodum exanthemata talia *per artem maturius* expelli possent , sed quemadmodum etiam *præmatura* talis *expulsio* , quam *natura* committit , periculosa & *ominosa* est , imò quemadmodum natura *legitimè* has febres exercens , *congrua* illa tempora servat & motus atque effectus febriles sibi invicem condignè *subordinat* : ita minimè convenit per artifia *præmature* exanthemata expellere , aut ita incompletè & inconvenienter juxta morem imperitorum hominum judicare velle , quia materia peccans *maligna* est & valde perniciosa , ergo eliminari imò *sine mora* expelli debet , neque quicquam

referre an hæc exterminatio *hodie* sive *cras* continget, modo evacuetur: imò quia maligna est & *præcipitis* efficaciam, ita utile & necessarium esse, quo repente & sine ulla cunctatione & patientia evacuetur: quale judicium *luctuosus* effetus & eventus evidenter refellit: ob id maximè refert, quo in febribus hisce, recte tractandis, medicus curam per expectationem exerceat, & tempora aut dies attendat atque expectet, quibus proficuum est, quo exanthemata illa prodeant, haud vero *præmature* artificiis suis *impellentibus* & *expellentibus* subveniat, sub illo *simulato* prætextu, quod naturam in eo *sublevare* velit, ne difficilis sit futura efflorescentia, qualis sublevatio interdum in periculo sum *immaturum* & *præmaturum* impulsu definit: quodsi vero contingit, ut proprius circa congrua tempora apparatus ad proximam *excretionem* necessarii deficiant, tunc naturam commodius ad talem evacuationem positive ducere licet, quæ cessante hac circumstantia per ejusmodi *præmatura* auxilia magis *turbatur*, quam sublevatur: ita ad *communem* tantum experientiam provocamus, quo attendantur & dijudicentur, illa conamina vulgaria practica, quæ per semina affatim nota, *variolarum* facilitiori *expulsioni* velificari debent, an *tantum* unquam votis & promissis satisfecerint, quantum vulgo deprædicata constant: imò ulterius in præsenti animadversione dicimus, quod sub bono *regimine* & usu hujus curæ per expectationem exanthemata talia *longe melius* tranquillus & ordinatus efflorescant, imò firmius & constantius in *peripheria* corporis maneant, quam si optima & maximè speciosa remedia *expellentia*, antidotalia, cor præservantia, *bezoardica* & similia operose & studiosè adhibita fuerint: eximum hujus rei testimonium nobis præbent *variolæ*, in quibus quid & quantum prudens expectatione valeat *Sydenhamius* & multoties etiam *Excellentissimus Stahlius* monuerunt: quodsi etiam exanthemata præmatu're retrocesserint, tunc in eodem casu persæpe cura per ex-

pedationem prudentem plus proficuit, quam officiosa & sollicita *expulsio*, quæ non raro *sinistrè* successit & consul-tius esset simul à communibus tentaminibus abstinere, qui-bus egregia virtus passim adscribitur, id quod inter alia valet de *vesicatoriorum* applicatione, quorum usum non admodum probatum non modo attenta *experientia* sed & ex eadem *Gerhardus Columba in Tract. de febribus pestilentia-libus* inter alios attestatur, unde *interdum* sub *tranquillo* re-gimine in ejusmodi necessitate *expectatio plus* valet, neque *ita* nocet, uti *impetuosa* aut *anxia* commotio.

§. XVI.

Et ita perlustravimus quod & quomodo cura per ex-pe^ctationem in Februm negotio non raro cum eximia sa-lubritate exerceatur, cui considerationi adhuc hanc adjici-mus, quod interdum eadem cura in diversis arduis febri-um *symptomatibus* locum inveniat, quando hæc *positivo* quodam auxilio averti non possunt: hujus indolis inter alia periculosa symptomata sunt *inflammationes internæ*, quæ ab *immediata* adminiculorum applicatione preclusæ sunt, quales sunt *phreniticæ*, *cynanchicæ hepaticæ* aut *internæ ery-sipelaceæ* aliæ commotiones, quippe quæ febrem præsen-tem valde *periculosam* reddunt, ut propterea maxima pru-dentia opus sit, ne ullo modo *sinistræ* commotiones aut pravi *impulsus* excitentur, ex quibus tanto certius fune-stus eventus metuendus erit: sed quibus vicissim *directæ* dissipandis & *discutiendis* nulla opera adhiberi potest, un-de talis afflictio *naturæ* committenda erit, quæ ne in tam arduo negotio *turbetur* & *impediatur*, *in tantum* sublevari debet, ne ab *ullo accidenti* offendatur: ob id sub *bono regi-mine* & *moderamine* *expectandum* est, quid & quantum in tali necessitate natura illa commiserit: hæc *expectatio* ve-ro nititur *impotentia* illa *positivi* & *directi* concursus ad in-flammationem talem internam, *arte* resolvendam: ejus-modi conditionis sunt affectus *soporosi*, qui symptomaticè

febribus sese conjungunt, in quibus *interdum* prudens & moderata expectatio administranda est, quando videlicet sub febrium decursu tales affectus ex *stasi* quadam *in cerebro* facta, aut *varicoso* infarctu, aut particulari humorum *secessione* intra cerebrum, aut actuali *suppuratione* ortum suum capessunt, quando in artificis *potestate* non est, quo ejusmodi afflictionibus *positivè* subveniat: ubi iterum nonnunquam magis expectandum est, quid *Deus & Natura* in ejusmodi statu efficiant; sed ne hæc penitus deferatur, à diversis *irritis* tentaminibus partim *abstinendum* est, ne ab eorum usu eadem *turbetur* & supprimatur, partim per *privativam* medicationem & usum boni regiminis in tantum subvenire licet, ne alia *accidentia* in afflictum talem statum irruant eundemque magis exacerbent; & quid dicamus de frequentibus *alvi retentionibus* & firmis occlusionibus, quæ mox cum *prima* febris invasione inchoant, ubi *interdum* nondum sufficienter constat, an febris *benignam* an *malignam* indolem contineat, an *exanthematica* an *alia* sit futura, adeoque *temerarius* ausus esset, si mox ad alvum *commovendam* medicus manus applicaret, unde *in tantum* expectare convenit, *donec* indoles febris magis constet, ut judicare liceat, an *consultum* sit à tali provocatione *abstine-re*, an vero febris permittat, quo hæc excretio *liberetur*: idem etiam valet, quando in diversis febribus maximè vero *malignis* & *exanthematicis* *spontaneæ* quædam *diarrhœæ* oriuntur, quas minime ita fugitivè & impatienter aggredi convenit, sed expectandum erit, donec *certius* illucescat, quod ejusmodi alvi fluxus *positivam* noxam minentur: nam *præmaturæ* alvi incrassationes aut positivæ *adstrictiones* communiter luctuosum eventum involvunt: & quid de *deliriis* sentiamus, quæ sese ut grave symptoma variis febribus conjungunt: illud breviter dicimus quod in eorundem emendationem raro *positive* influere liceat, quin potius sub reliqua congrua tractatione consultum erit, eorundem

dem *eventum*, magis *expectare*, siquidem in praxi medica abunde cognitum est, quid *vulgares* methodi deliriis symptomaticis oppositæ, conferant.

§. XVII.

Neque tantum in hactenus recensitis affectibus cum salubritate cura per expectationem administrari potest, sed dantur etiam adhuc multiplices casus, in quibus minimè positivè & directè succurrere potest artifex, sed ubi potius *expectare* & *attendere*, imò observare debet, quomodo praesenti afflictioni *natura* medeatur, inter alios tales casus producimus hoc ordine *internas inflammationes*, quibus directe tractandis via præclusa est, ita ut remedia *resolventia* & *discutientia* minimè tam facile & citò, nedum ita simpliciter ad affectum locum transferri queunt, & quicquid in earundem cura *ars* valet, illud plurimum *remotivè* operatur, hinc *naturæ* relinquendum est totum hoc principale negotium, quo ipsa imminentem corruptionem arceat & congrua atque legitima methodo inflammationem absolvat, ob id *expectandus* est talium internarum inflammationum eventus, cum in artis *potestate* non sit, quo *affectus* locus ullo *immediato* auxilio sublevari possit: idem etiam porrò valet de internis aliis simplicibus *stasilus* atque diversis *infarctibus profundius* & *intimius* in visceribus hærentibus, quales sæpius medicamenta magis offendunt & exacerbant, quam dissolvunt atque liberant: quod præcipue dici potest de quibusdam *scirrhis* in *hepate* & *pulmonibus* hærentibus, qui per *communia aperitiva* & *resolventia interdum* in *actualē* corruptionē conjiciuntur, ubi nonnunquam magis salubre est, non modo à talibus auxiliis *abstinere* sed & cum *inodestia* & *privativa* curatione *expectare* quomodo benigna natura huic *intricato* malo confusat, quæ propterea non per ludicas tractationes & *incongruas* commotiones turbanda & enervanda, quo minus posthac huic calamitati dextrè medeatur: & quid quæso

ars medica valet in curandis *internis ulceribus & suppurationibus*, quo usque sese extendunt vulgaria mundificantia & travmatica? nonne in talibus afflictionibus medicus *exemplare* debet, quid natura agat in negotio & punto *consolidandi* ulceris, quo præsente nonnunquam bonum regimen plus proficit quam *operosa* artificialis medicatio: neque medicus in omni suppuratione *interna* naturæ vias monstrare potest, per quas pus genitum *constanter & perfectè* eliminet; quin potius prudenter ipse *expectet*, quando & quomodo natura illud denique effundat, testimonio suppurationum *in cerebro*, quæ pus nonnunquam *ex auribus* interdum *è naribus* emisisse leguntur, sed quis ita firmiter & indubie in tali negotio naturam *imitari* poterit? ni in simili passu cura per expectationem exercenda sit: cuiusmodi necessitas occurrit in *peripneumonia*, quæ in *maturationem* transit; quis quæso *directe* sine ulla suspicione pus *evacuare* poterit? quis internos *abscessus* purulentos hactenus *occlusos* aperire potest? ni expectatione opus sit: & sanè in tali calamitate sæpe evilescit *officiosa & operosa artificis* industria & contentio, quin interdum plane *accidentales* casus salutarem eventum post se trahant, qualis allegatur ab *Excellentissimo Bohnio de officio Medici dupli cap.*
„2. pag. 25. ex Bernier Essais de Medicina Part. II. cap. 15. de
„mula, quæ ægrotantem vomica pectoris laborantem in
„tantum curavit, quo vomica rupta sit, quam medicus a-
„perire non potuit: quales casus interdum medicum ad-
eo necessitant, quo patienter & prudenter expectet, quid
in tali calamitate natura humana præstitura sit.

§. XVIII.

Et quid artifex agat, quando diversa *absurda* subiecta deglutita fuere, sive sint subtilia *acuminata*, sive alia *solida*, ubi quidem interdum talia adminicula commendantur, quæ vel impetrantis & involvendis vel resolvendis illis quadrare possent: sed quoties non à puellis & puerulis aci-

culæ & nummi deglutiuntur, ubi haud ejusmodi auxilia
 subordinantur, sed ubi *sua sponte* atque sola natura subje-
 cta illa denuò *egerit*, ita ut tantum expectatione opus sit,
 præprimis cum artifex *evitare* non possit, ne *transversim*
solidata talia è tenuibus intestinis per angustius *cæci* *intestini*
 foramen, in *crassa* intestina tendat adeoque *obstructionem*
 aliquam inferat; in quali passu interdum sola expectatio
 commendanda est: æquale judicium ferre possumus de il-
 lo casu, quando nonnunquam *calculi perverso* quodam situ
 è *pelvi ureterem* ingrediuntur adeoque *obstructionem* quan-
 dam causantur, quis quæso tunc *situm* mutare & per reme-
 dia emendare potest? exulant hic meritò impellantia &
diuretica, quæ eò magis hunc perversum situm & obstru-
 ctionem *obfirmant* atque dolores augent & exacerbant: ne-
 que semper emollientia & *lenientia* remedia anxiis deside-
 riis satisfacient, ut omninò interdum *patientia* & *expecta-
 tione* opus sit: quo usque quæso sese medica *potestas* exten-
 dit in curando *polypo cordis*, in resolvenda *concretione pul-
 monum* cum *pleura*, in *tophis pulmonum* &c. quid aliter arti-
 fex quam *expectare* potest, quid *natura* in removendis ta-
 libus eximiis impedimentis denique committat: nisi *pri-
 vativè* prospiciat, ne interdum ex ejusmodi statu damna
 quædam connexa emergant; & licet hæc *expectatio* non
positivam opem ejusmodi affectibus conferat, id tamen o-
 mninò proficit, ne interea *alia tentamina* eosdem affectus
acerbiores reddant & variis periculis *complicationibus* an-
 sam præbeant; quid porro potest ars efficere, in *genesi cal-
 culi*, quando jam prima *initia* adsunt; potestne *evitare* quo
 calculus generari *desinat*? & quanquam eadem *aliquid* in
 hoc negotio valeat, illud tamen respectu *reliqui* status exi-
 guum & *insufficiens* est, sed *successiva* renum & vesicæ *abster-
 sione* nimiam aut nimis acceleratam genesin illam tantisper
præoccupat; sed quid de reliquo agere & præstare potest ea-
 dem ars medica? nonne *expectare* debet, donec ipsa na-
 tura

cura reliquos calculos, qui geniti sunt ad *excretionem* commoveat? nonne audacia esset, *præmaturo* impetu calculos *impellere* & provocare velle, utpote quales *artificiales* calculi commotiones, ut plurimum longè aliter cedunt & succedunt, quam promissa atque vota inferunt: & quodsi contigerit, ut in aliis partibus *tophi* generentur, sive in *pulmonibus* sive *hepate* sive *cystide*, & si possibile esset, quo medicus eorundem *præsentiam* exactè sciret & de illa *certus* esset, nonne illi *naturæ* relinquendi erunt, quid ipsa cum iisdem denique committat, nonne propterea artifex expectare debet, cum ipse eosdem exquisitè gubernare non possit & vulgata *lithontryptica* remedia magis in *opinione* quam in *facto* juvent & ita ut plurimum spem decollent: unde etiam in tali casu *consultius* est expectare, quam *irrita* & vana tentare, siquidem interdum in parallelis casibus *dissitius* afficti vitam protraherent, ni per *incongrua* tentamina sub multa impatientia & defectu expectationis, maturius ad extrema fata promoverentur.

§. XIX.

Inter alios affectus, qui multam attentionem merentur disquisitioni nostræ sese commendant *vitia motuum* sive in *excessivo* sive *defectivo* successu consistant, in quibus perinde *nonnunquam* cura per expectationem applicari potest; etenim si contingat, ut motus quidam *congestorii* sub qualibet adhibita opitulatione ab indole sua & repetita *recursione* non *discendant*, tunc non æque *continua* remediorum oblatio proficua est, quæ non modo *genericam* naturæ activitatem turbat, sed & reliquum *ordinem* vitalem admodum afficit & offendit, ut ob *multitudinem* ingestorum medicamentorum diversi *confusi* affectus & effectus superveniant & *eò citius* lethalis eventus excipiat, cuius causam non malè quidam in multitudine Therapiæ querunt, dum dicunt: man hat sich mit vielen Arzneyen verderbet, daß es auf die Lezt nicht mehr helfen wollen, Consul-

tius itaque est in tali statu *expectare & abstinere*, quoniam
 interdum *sibi relicta* natura ita se recolligit & sibi mode-
 ratur quo in pristinum ordinem redeat & sub bono re-
 gime & congruâ diætâ pristinum sanitatis ordinem re-
 vocet: aliquando *itinera suscepta & mutationes loci sub e-*
jusmodi prudenti expectatione Chronicum talem morbum
 emendant, in quibus contra dicterium illud valet: je mehr
 sie brauchen, je mehr sie flagen: sie sind durch das viele Brau-
 chen mehr verderbet als gebessert: aliquando etiam sub tali
 moderata & congrua *expectatione* transeunt illæ periodi aut
illa tempora, quibus ejusmodi affectus maxime affligunt,
 ut posthac ob *mutationem ætatis* ipsa talis afflictio quan-
 tisper immutetur & deinde *faciliorem complacationem* as-
 sumat: sed dum hæc proponimus, aures nostras feriunt
 vulgares illæ oblocutiones, quomodo interea patienti
 succurratur, ne priorem affectum patiatur: etenim in hac
 expectatione non multum solatii superesse: es sey dem pa-
 tienten damit nicht geholffen, daß er so lange warten solle. Hic
 desiderat *plenariam liberationem & quidem maturam &*
 nihil cunctatam! ast hæc querelæ sunt testimonium impa-
 tientiæ, cum sane melius consultum sit, si patiens *futu-ram* sanitatem expectat, quam si *præsentem ægrotationem*
 per ulteriorem diversorum remediorum usum ita *depra- vat*, ut vel mature *moriendum* sit vel aliquandiu sine spe
miserime vivendum: sane populus rectum videt, dum
 interdum perspicit, quod *multus* remediorum usus ma-
 gis *noceat*, quam proficiat, hinc dicit: was soll man lange
 brauchen, es hilfft doch nichts, wenn er wird ausgesiecht haben,
 wird es wohl wieder besser werden: *expectandum* itaque est,
 quia *officiosus medicamentorum usus interdum magis no-*
 cet: & hæc brevibus quidem dicta sunt de motibus conge-
 storiis: quid vero dicendum erit de motibus *insolentio-*
ribus spasmodicis? adeone necesse erit ad *omnia* remedio-
 rum genera *configere & tot medicamentis & methodis tor-*
 quere

quere & nihil proficere! sed modo in eo tantum hæc ope-
rositas & officiositas medica acquiescat! sane verum est,
quod *Seneca* elocutus est *Epiſt. 95.* *Homo sacra res jam per lu-*
sum & jocum occiditur; & quid ejusmodi temerarii *saltus*
ab uno ad alterum, imò ab uno *extremo* ad alterum aliud
promittant, quam luctuosum eventum: hinc illæ lacrymæ
hätte ich doch nichts gebraucht! ob id prudentes *Philosophi*
in arduis doloribus commendant *patientiam* & *medici com-*
mendant expectationem, quæ certè longè majorem utilita-
tem habet, quam laboriosa & *anxia* illa medicamentorum
ordinatio: & sicut plebejum est dipterium *viel hilft viel*:
ita invertimus hoc & dicimus, quod sæpe in talibus casibus
verum evadat: *viel schadet viel!* unde consultius est *modeste*
expectare: quid denique fiat in chronicis *convulsionibus*,
ubi ob *inopiam* efficacium adminiculorum *necessitate* coa-
ctus artifex expectare debet, dum interdum etiam verum
evadit & observatur nostrum assertum, si *maturius expe-*
ctatio adhibita fuisset, morbus ejusmodi vix in talem *gra-*
dum aut *contumaciam* degeneraverit, in quam *acerbitatem*
delapsus nunc est ob *omissionem* salutaris hujus *expectationis*;
& docet propterea attenta *observatio* quid & quantum vi-
cissim in morbis convulsivis illa *præceps* atque *impatiens* re-
mediorum ingestio utilitatis obtulerit, ubi à *contrario* uti-
litatem *congruæ* & *moderatae* *expectationis* demonstrare
placuit, quæ se se non tam ad *totalem* remediorum negle-
ctum, quam ad *congrua* etiam *tempora* & *opportunitates*
extendit, quibus medicationes congruæ suscipiendæ sunt,
utpote quæ *altera curæ* per *expectationem* exercendæ *con-*
ditio est.

§. XX.

Quod modo breviter de excessivis motuum vitiiis di-
ctum fuit, illud in ordine paucis etiam de *defectibus motuum*
dicendum erit, videlicet, quod *interdum* in iisdem *occasio*
occurrat, ubi cura per *expectationem* applicari potest: &

licet in variis ejusmodi casibus *occasio præceps* sit & pluri-
 mi practici in eo consentiant, quod in ejusmodi affectibus
nihil cunctandum, sed periculum in mora sit, proptereaque
 necessitas postulet, quo tempestivè & assiduè selecta &
 probata auxilia adhibeantur, tamen nonnunquam etiam
 ejusmodi casus obtingunt, in quibus *de præsenti* parum
 amplius operari licet, adeoque expectatione opus est, qua
tempus opportunum attenditur & observatur, ubi pro leva-
 mine ejusmodi morbi, denuò aliquid *positivè* operari licet:
 hujus asserti veritas inclarescet in *specialioribus* observatio-
 nibus & applicationibus: si interdum contingit, ut ex
Mensium vel *Hæmorrhoidum* repentinis suppressionibus
 certi *gradus* & quidem mitiores *defectivorum* vitiorum,
 quoad motus *vitales* occurrant, vel *paralytici* vel *paretici*
 vel *lipothymici*, tunc in cura talium ad primam causam at-
 que *fundamentum* hujus afflictionis retrospicere convenit,
 si quidem ejusmodi affectus non melius neque rationabili-
 bus & certius curantur, nisi Menses aut *Hæmorrhoides*
revocentur, cum vero non ita *indiscretim* Menses & *Hæmorrhoïdes*
 reparari & restitui queant, ita in cura illorum af-
 fectuum quoad hanc fundamentalem causam *tamdiu* expe-
 standum est, donec *opportunum* illud tempus revertatur,
 in quo Mensium & *Hæmorrhoidum* revocatio *promovenda*
 erit: etenim *menstrui* recursus servant sua *congrua* tempo-
 ra & *Hæmorrhoidum* fluxus non raro per *exactas perio-
 dos* decurrit, unde frivolum esset tentamen adeo *promi-
 scuè* in Mensium & *Hæmorrhoidum* restitutionem irruere
 velle, qualis *confusus* impulsus non modo *salutarem* il-
 lum recursum harum *Hæmorrhagiarum* *turbabit* atque of-
 fendet, sed & *reliquum statum* morbi magis *confirmabit* &
 augebit: ob id in *simplici* *Hæmorrhagiarum* promotione
 & *restitutione* tam *difficulter* negotium succedit, quia *oppor-
 tunitas* agendi non *expectatur*: & quamvis aliquando in e-
 jusmodi affectibus *varia* tententur, tamen singulæ tales

medicationes parum fidæ & ingenuæ esse deprehenduntur, quia ad *fundamentum negotii* non pertingunt: occurunt hujus schematis alia specimina & quidem quando evenit, ut certa subjecta ob *consuetorum sudorum anniversariorum*, quos hactenus cum *salubritate* eximia experta fuere, *suppressionem*, futuris frequentibus *lipothymiis* obnoxia redundunt aut torporem & aliqualem *insensibilitatem* in membro quodam percipiunt, tunc neque nervina, roborantia, spirituosa & tonica neque *indiscretim* usurpata diaphoretica *satis exquisite* & firmiter conveniunt, nisi *justis temporibus* salutares sudores denuò promoteantur, ubi iterum prudenti *expectatione* opus est: possent hujus rei casus notatu digni commemorari, si tempus & propositum nostrum concederet: idem accidit, quando e *diarrhœa spontanea annua salutari* subito & præmaturè *oppressa*, vera intestinorum *atonia* & conjuncta contumax *flatulentia* oritur, in qua licet carminativa magnorum titulorum & magnarum promissionum sedulo adhibeantur, eadem tamen vix tantum proficient, quantum *annuis illis temporibus promota & revocata* talis *spontanea diarrhœa* efficiet: in quo passu denuò congrua *expectatio* utilis & necessaria est, donec *opportuno tempore* artifex ejusmodi consilia & auxilia suppeditare potest, quæ *proximè atque directè* ad affectum *talem levandum atque è fundamento curandum* spectant & contribuunt: quidquod in maximè refractariis talibus motuum vitalium defectibus confert interdum ejusmodi causas *intervenientes* expectare, de quibus *Illustris Stahlius in Pathologia medica pag. 913.* dicit: quæ magis *directè ipsas movendi intentiones respiciunt*, & in qualibet *artificiali ope usurpatæ paralysin* interdum aboliunt, ubi *exquisitos & intensissimos animi motus*, admodum *activæ intentionis* nominat, & ad observationem *Valleriolæ & A. N. C.* provocat, ubi exempla allegantur *Paralyticorum terrore*

vehementi & ingenti *iracundia* liberatorum & restitu-
torum.

§. XXI.

Et cum mentio facta fuerit quarundam *Hæmorrhagiarum salutarium* in quarum revocatione & promotione non raro cura per *expectationem* adhiberi debeat, ita placet in hanc observationem paulo curatius introspicere, præpri-
mis cum commoda occasio nos ad utilem hanc animad-
versionem ducat atque invitet: sermo nobis præcipue est de *Mensibus & Hæmorrhoidibus*, utpotè quæ *Hæmorrhagiæ* magis *defectivis*, quam *excessivis* vitiis obnoxiae sunt: interea millenis exemplis admodum comprobatum est, quod *legitimus* harum *Hæmorrhagiarum successus* eximi-
am & evidentem *salubritatem* inferat, *imminutio* verò aut plenaria *suppressio* earundem *perniciofa* existat, ita in ge-
nere ex officio medici fuit, quo talem fluxum sanguinis
omni prudenti consilio & necessario auxilio *sublevare* ad-
eoque sollicitè evitare & *præoccupare* debeat, ne *turbæ* quæ-
dam in eundem incident; proinde verò de hisce *Hæmorrhagiis* notatu digna illa circumstantia pensitanda & be-
ne conferanda est, quod videlicet eadem *justis, statis & exquisitis* temporibus atque *periodis* revertantur id quod de *menstruo* fluxu indubium est; neque quoad *hæmorrhoidalem* fluxum plane inauditum est, quod & ipse *menstruis* periodis redierit, imò non insolitum est, quod certis temporibus *anni* revertatur: quodsi ita contigerit, ut talis *Hæmorrhagia* insolitum *defectum* patiatur & vel immi-
nuatur vel suppressatur, tunc quidem *generica* indicatio est, quo *tempestivè* promoteatur aut *revocetur*: Ast in hoc necessario & laudabili actu minime negotia *præmaturè* sub prætextu tempestivæ operationis gerenda sunt, licet qui-
dem consultum nullo modo sit, quo ejusmodi *Hæmorrhagia* in *diuturna* suppressione relinquatur: interea vero
præ-

præstat rationem & justam proportionem æstimare & di-
 judicare juxta prægressum successum earundem Hæmor-
 rhagiarum: si itaque Menses per dimidium annum suppressi
 fuere, nimis diuturnum esset, non æque in Hæmorrhoidi-
 bus, quando hæ antea per menstruas periodos decurrere non
 sueverunt: exinde concludimus, quod in positiva revo-
 catione & promotione vel Mensium vel Hæmorrhoidum
 prudenti expectatione opus & vicissim cavendum sit, ne
 mox immodece & impatienter tales Hæmorrhagias impella-
 mus atq; urgeamus, sed quo illa tempora expectemus, feliga-
 mus & observemus, quibus fluxus illi sanguinei reverti &
 progredi deberent; hanc circumstantiam si bene observa-
 mus, paulo facilior erit methodus, quæ deinde in cura ta-
 lium deficientium Hæmorrhagiarum adhibetur: etenim
 illi vani impulsus promiscuè suscepisti, indoli harum Hæmorr-
 rhagiarum penitus contrariantur & potius totum statum
 magis perturbant atque variis aliis gravibus pathematibus
 concurrentibus ansam præbent, quid quod longè difficultius
 ad salutarem effectum pertingunt, et si denique talem Hæ-
 morrhagiam impetuose expellunt & extrudunt, facile totus
 decursus attestabitur, quam iniqua hæc fuerit promotio,
 quia immatura & inopportuna extitit: quod si vero illa tem-
 pora revertantur, quæ olim naturæ usitata fuere, tunc anti-
 qui actus memor natura aut non raro motibus quibusdam
 eminus ad eundem contendens facilius obtemperat auxili-
 is hac occasione oblatis & tranquillius in pristinum ordi-
 nem duci potest; & licet hæc expectatio, quam hoc loco
 commendamus non ita absoluta sit, quo circa spontaneum
 earundem Hæmorrhagiarum redditum occupetur, siquidem
 rarius suppressæ tales Hæmorrhagiæ sua sponte debite
 & convenienter erumpunt, tamen involvit tempora quæ-
 dam, quibus ad directam & positivam illarum promotio-
 nem & restitutionem non facile quicquam operari inte-
 grum est & respicit potius tempora quæ attendenda &
 recursu suo ad hunc usum provide & prudenter applican-

da sunt: id quod de Hæmorrhagiarum promotione notare & commendare placuit.

§. XXII.

Tantò magis verò cura per expectationem exercenda erit, in morbis *intricatis* & *obscuris*, quando posthac in demortuis internæ quædam *concretiones* & excrementiæ carnosæ, fungosæ, polyposæ vel in corde vel in pulmonibus vel in diversis abdominis visceribus observantur, aut ubi *ulcera* in ventriculo, intestinis & vesica urinaria conspicuntur, vel si viscera talia actuali quodam ulcere *perforata* sunt, vel aliæ adhuc diversæ causæ ad *obscuros* morbos constituendos influunt & concurrunt: in talibus afflictionibus, quæ tamen *rariores* existunt, communiter *expectatio* non modo *tantum* valet, ac *operosa* medicatio, sed & *interdum plus* valet & *magis* conduceat, quam *solicitus* medicamentorum usus: etenim *internæ concretiones* & *excrementiæ nulla* medica arte dissolvi & removeri possunt, unde *naturæ* relinquendæ sunt, siquidem communiter nulla *indubia* & *specialia signa* occurunt, quæ ejusmodi statum significant, ut propterea *nolens volens* medicus in tali passu *abstinere* & *expectare* debeat; illud vero tamen notandum est, ne in ejusmodi & similibus abstrusis morbis quisquam sibi qualemcumque *causam* fingat & eo impetuose & impatienter nitatur, utpote qualis ausus præsentem talem affectum longe certius atque citius *deteriorabit*; hinc moderata *expectatio* ad minimum ejusmodi morbum *præoccupat* atque defendit, ne *citius* in graviorem & periculosiorem statum incidat: quod enim Hippocrates in Libro de Locis in homine §. 46. dicit: *morbum si quis non cognoscat, medicamentum bibendum præbeat, non forte: si itaque levior inde fiat demonstrata via est, quod gravitatem inducendo curandus sit: si vero non levior reddatur, sed pejus habeat, contraria facienda sunt: In eo nobis videtur, venerabilis Senex aliquid humani pati & cum empiricis colludere, nam morbum non cognoscere & medi-*

camentum tamen sive leve sive forte exhibere, cæci tentamini indicium est : & qui juxta *Celsum* in casibus dubiis, obscuris & similibus *anceps* medicamentum adhibere præcipiunt, videntur nobis non satis *accurate rationali* medicinæ satisfacer ; sed mox objectio illa in mentem incidit, ergone patiens ita *deserendus*, ergone concedendum est, quo morbus magis *obfirmetur*? ast regerimus an in ejusmodi affectibus arduis & *intricatis* medicus *certus* esse possit, quo per dubiam & *equivocam* suam medicationem *minus* noceat, si non prodet? an *certus* sit, quo affectum talem per *anticipitem* ejusmodi methodum *minus* exacerbet & minus obfirmet? & cum in tali statu non pauca neque etiam levia dubia vexata occurant, ita consultius esse reputamus, quo medicus magis prudenter & sub *negativa* Therapia patienter *expectet*, donec affectus ejusmodi hactenus *abstrusus* indolem suam magis prodat atque *manifestet*: etenim cum a medico temeritas, tanto magis cæca & quasi *irrationalis* aliena esse debeat, ita in ejusmodi arduis & secretis morbis per *experimenta occidere*, conscientiam *Christiani* medici valde fauciat, qui dum per *expectationem* moderatam *non peccat*, per temerarios vero *ausus* & cæca tentamina graviter *aberrat* atque peccat, ita & scientiæ magis conforme est, quo prudens expectatio præ tali minus secura & inconstanti temeritate adhibeatur, qui enim in fortuna spem & fiduciam suam collocant, decipiuntur: unde rectè *Hippocrates Libro de decenti ornatu eloquitur*: *admiranda existimo artis inventa, quod scilicet prudenter & recte inventa sint, minimeque à fortuna pendeant, & propterea Chilo [apud Lærtium in illius vita] interrogatus quid fortuna sit, respondit: ignarus medicus! multos enim excæcat.*

§. XXIII. Progredimur nunc ad perlustrationem quorundam affectuum Chronicorum, quorum sedes atque radix *intimior* & profundior existit, quo remedia *insufficienter* penetrant; adeoque causa morbi *primum* attingitur, si partes glandulæ videlicet intimius *obstructæ*; aut si *induratae* vel perfecte *exulceratae* sunt, ubi in defectu positivi auxiliis ex artis potestate

pendentis, patienter & continenter expectare convenit, in quantum vel *natura* humana ejusmodi damno subveniat, vel ad ejusdem reparationem *initia* faciat & *vias* monstret, ut *postea* artifex commode *succurrere* queat, quem *terminum* artifex *interdum* expectare, attendere & observare debet: nam si *maturius* & *operosius* ejusmodi affectibus oppugnat, *nonnunquam* eosdem magis *exasperat*, quam minuit: huc spectant *intimiores scirrhi* profundius hærentes, in quibus nonnunquam *privativa* medendi methodus & cura per expectationem utilitatem suam attestatur: interdum etiam accidit, ut subiecta quædam pessima maximeque contumaci *cacochymia* laborent, quæ nullis medicamentis *haec tenus* expugnari potuit, in qua *emendanda* & *curanda* aliquando expectatio plus valet, quam operosa *remediorum* ingestio, quæ dum in viis & humoribus persistunt, si *salinæ* & *sulphureæ* aut *resinosæ orgasticæ* indolis fuerunt, tunc humores magis *depravare* adjuvant: quando vero sub bono *regimine* & congrua *dæta* artifex expectat, donec *successiva* quædam salutari *excretione* *natura* huic afflictioni opem tulit, tunc denuo remedia quædam ordinari possunt, quæ hunc naturæ actum *adjuvant* & facilitate: uti nobis exempla talia constant subjectorum eximie *cacochymicorum*, quibus illud consilium dedimus, ut ab *ulteriori* medicamentorum usu, qui ipsis *haec tenus* frequens, copiosus, *imo* nimius fuit, *abstineant*, & sub *regimine* congruo, in maximè vero sub *mobili* vitæ genere, aut sub adhibita *aëris mutatione* & *temperie* *expectent*, qualis inde eveniet corporis sui *mutatio*: unde accidit, ut postmodum longe *facilius* ad *meliorem* conditionem transferint: in hanc classem ducimus *scandalosos* illos affectus, qui sub artis *potestate* non sunt, quo carentur vel meliorentur, quod nimirum *essentialē* eorumdem conditionem attinet: uti sunt *Pthysis*, *Hydrops* &c. quippe qui affectus, verè & *perfectè* tales, *percurari* non possunt, rarissima exempla in observationibus legantur, ubi *natura* & non artifex inconsuetam & admirandam opem in ejusmodi casibus obtulit: quid vero in iisdem *frequens* *remediorum* inge-

ingestio, quid *multitudo* affidua medicamentorum & *experientorum* unquam commodi obtulerit? loquatur & testetur *experientia medica!* quid contra prudens & moderata *expectatio* emolumenti & spei in iisdem suppeditaverit, æque usus attestari potest; & licet per expectationem illi morbi *non penitus* percurati fuerint, tamen hæc *expectatio*, in *comparatione* ad prægressam operosam & multam medicationem, plus saeppe utilitatis obtulit: & quid non de *confirmatis spasmodicis affectibus* dicamus: ubi quæso reperiuntur *pollicitationes* tam stupendæ & miraculosæ *impletæ?* quis curat confirmatam *podagram* & *vagam arthritidem?* quid profunt remedia, imprimis vero illa speciosa experimenta & non experta *specifica?* nonne multi denique ad hæc consilia confugiunt, *patiendo, abstinendo, expectando;* de quo antea egimus.

§.XXIV. Non parum utilitatis saeppe confert cura per expectationem in *abortu imminentे* & *fætu mortuo* præsente: non loquimur de *præoccupatione* abortus, sed quando jam *primi apparatus* ad *futurum* abortum adsunt, ubi quæstio practica moveri potest, an abortum imminentem *promovere* & *accelerare* expedit? quanquam vero remedia *directe* & *proxime* abortum promoventia *non* dentur, quæstio tamen eo se se extendit, an *consultum* & *salutare* sit, *talia medicamina* in hoc casu ordinare, quæ vulgo fœtui *expellendo* dicata & destinata sunt, an vero magis *consultum* & *securum* sit, *expectare*, quid *natura* in hoc negotio committat? etenim status controversiae nonnunquam in tali casu occurrit, ubi ad *præoccupandum imminentem* abortum artifex fermè omnem *penum auxiliorum* cum *frustraneo effetu* adhibuit & abortus propterea quasi *inevitabilis* videtur, an *proficuum* sit per communia *impellantia* & *commoventia* remedia abortum *accelerare*, sub spe & promissione citioris *liberationis*. In tali casu dicimus, quod medicus potius curam per expectationem exercere debeat, ni *talia* ipsi suppetant & constent auxilia, quibus *certius* & *securius* abactionem talem sublevare queat; interea hoc loco de *vulgatis* & *trivialibus me-*

diis loquimur: etenim si non expectaverit, hæc potiora
præjudicia intercurrunt, quod primo post præmissum usum
adstringentium & fœtum retinentium nunc talia *commoventia*
 medicamina adhibeantur, quæ *contrariis* atque *confusis* motuum
 successibus ansam præbent, unde non nisi *periculosi* & *suspecti*
 effectus & eventus metuendi erunt: deinde quod hæc subor-
 dinata *promotio* & *commotio* non sine eximia *violentia* & immo-
 destia succedat, adeoque non modo violentum abortum cau-
 setur, sed & *in futurum* ad similes *impetuosos* abortus disponat:
 porro quod sub ejusmodi *immoderatis* promotionibus non
 raro *immodicæ* & *periculosæ Hæmorrhagie* excitentur, quæ sub
communi Hæmorrhagias tractandi methodo *pessimas* consecu-
 tiones inferunt & perinde in futurum ad *habituales* abortus
 contribuunt: nec non quod communis talis *vehemens* pro-
 motio varias futuras commotiones *spasmodicas*, *hystericas*,
strangulatorias, *cardialgicas* & similes invitet: hinc æquo &
 placido arbitrio atque judicio relinquimus, an non consul-
 tius sit, non modo ab *ejusmodi methodo* sollicitè abstinere, sed &
 propterea sub bono regimine & *virium* conservatione atque
 sublevatione *expectare*, quid denique in tali negotio efficiat
natura; ni *urgentes* aliæ circumstantiæ alia consilia invenienda
 & conferenda injungant & commendent: idem etiam senti-
 mus de *ancipi* illo negotio promovendi & exturbandi *fœtus*
mortui, in quo cum communiter etiam *impetuosa* & *vehe-*
mentes methodi ordinentur, ita etiam communiter varii
suspecti effectus coincidunt, quibus præoccupandis sane non
 parum interdum confert expectatio, quæ licet non *promiscue*
 applicanda sit, tamen in *certis casibus* & *temporibus* utilitatem
 suam promittit, imprimis quando in diversis subjectis valde
plethoricis admodumque *sensibilibus* fortiores quædam com-
 motiones non facile excitandæ, sed ab iisdem *suspecta* sym-
 ptomata metuenda sunt, ut propterea *securior* via feligi &
 iub roboris sustentatione atque sublevatione *spontanea* natu-
 ræ activitas in *executiendo* fœtu mortuo *expectari* debeat.

§. XXV. Quando in corpore vivo humano paulo *profundius hærente* infixa^e *festucæ, globuli plumbæ, frusta telorum, cuspides ensium, cultrorum &c.* tunc interdum impossibile est, quo *secure & prompte* educi queant, unde aliquando *occasio fert & variantes circumstantiae* jubent, quo ejusmodi subiecta *intacta* relinquuntur, præprimis si *nullæ* necessitas cogit ; unde *expectandum* est, donec natura *apparatus* instituat, qui ad insolitorum talium subiectorum *exclusionem* tendunt, quibus denique adjuvandis & sublevandis artifex operam adhibere & conjungere debet : alias *præmatura* interdum industria & officiositas non modo subiectum illud, sive *causam* continentem non attingit, sed & irritam & vanam methodum applicat, ex qua non nisi sinistri effectus metuendi erunt ; quis *cultrivoros* ita *solus* curare & liberare potuisset, ni *natura viam* ad hanc curam præmonstraverit, quam methodum artifex *expectando* observavit & didicit, & si *emetica* aut *cathartica* adhibuerit, quis de *salubritate* harum evacuationum *vadem* se dare potuit ? idem etiam valet de deglutitis *acubus, clavis, cuspidibus umbilicum* egressis : & quid dicamus de *internis* quibusdam abscessibus, quorum *exitum* natura ad *externa* direxit, i. e. quibus nonnunquam talis *apertura* inducta fuit, ut imposterum artifex per *hunc aditum* ad *interiora* penetrare potuerit, qualis accessus cum à *natura* *expectari* debuerit, ita eventus monstravit, quæ commoda ab *expectatione* tali artifex impetraverit : & quid non proficiat hæc *expectatio* in *scirrhis internis sanguineis, in vomica pulmonum, in carcinomatibus, in cancro occulto,* utpote quales affectus interdum ex *levisima* aggressione & tractatione temperata offenduntur, ut consultius sit *abstinere & expectare*, quæ auxilia, si non positive juvant, tamen illud emolumentum afferunt, quo affectum à *deterioratione* arceant & præoccupent ; quæ *exacerbatio* ipsis per qualemcumque solicitam medelam induci potest & solet : & quid cum *internorum organorum læsionibus* per *vulnerationem* commisis suscipiendum erit ? etenim *décoctorum vulnerariorum usus & effectus* non raro *æquivocus* est, unde in illa fiduciam & spem collocare velle, interdum *frustraneus* labor erit : nos dicimus quod in ejusmodi casibus nonnunquam simpliciter *expectandum* sit, donec benigna & *alacris* natura talem læsionem *reparaverit & consolidaverit*, cum ad illum *reparationis actum directe* concurrere haud possit manus & dexteritas *artificis* : imo cum in artis potestate non sit, *per se & ex sua efficacia* læsionem talem *resarcire & connectere*, dum ne levissimum vulnusculum vel optimus & præstantissimus balsamus combinare & restituere possit, ita quid aliud potest, aut quid aliud agere debet, quam *expectare*, & id quidem longe consultius, quam læsionem talem *obruere & urgere*, siquidem demum artifex naturæ *activitatem* *expectare* debet, donec illa ejusmodi læsionem curaverit & consolidaverit, unde innotuit illa *diversitas*, quod in subiectis *adultis, enervatis, effœtis* aut multis morbis defatigatis *ægrius* vulnera coalescant, quod in quibusdam subiectis talis restitutio & coalitio *citius & promptius* in aliis *difficilius & tardius* succedat, quemadmodum jam in vulgus nota est illa *observatio von einer heilsamen und unheilsamen Haut.*

§. XXVI. Paucis adhuc mentionem injiciemus *Symptomatum* in multis morbis

bis occurrentium, interdum etiam arduorum & fonsicorum de quibus non raro
soliciti conspiciuntur artifices, ut nonnunquam hisce leniendis & mitigandis
maiorem operam dent, quam ut radicem mali aggrediantur atque extirpent;
hujus negotii testem producimus vel solam *Febrem*, in qua æstus, capitis dolor,
inquietudo, *vigilæ*, *virium prostratio*, appetitus dejectio, sitis &c. quam anxi-
os teneant interdum medicos, experientia medica abunde attestatur, ut de aliis
morbis hoc loco nihil dicamus, & licet ejusmodi symptomata in diversis affe-
ctibus magis *in sensu* incident, tamen non consultum esse arbitramur, quo ita
confestim eorundem cura suscipiatur atque urgeatur, quin potius utile & saluta-
re esse judicamus, quo circa symptomatum tractationem hæc nostra cura per
expectationem adhibetur, & animus magis ad radicem mali dirigatur, qua *de-
structa*, reliqua connexa symptomata sua sponte cadunt, sed si hæc *superficie*
deliniuntur & demulcentur, tunc vel non ita diu hæc mitigatio durat, vel *rema-
nente* radice alia *sontica* symptomata emergunt, vel eò magis ipsa radix *confir-
matur*, & subinde reliquus morbi genius valde *depravatur*: unde & rationi con-
sonum & in *experientia* comprobatum esse indicamus, quod *tuto* & *ingenuè* sym-
ptomatum tractatio sæpe per *expectationem* succedat: eximium exemplar hu-
jus præsentis considerationis obvenit in *epilepsia symptomatica*, in cuius cura si
artifex cum multa *operositate* præcipitanter & aspiduè quælibet *secreta* auxilia
antiepileptica ordinaverit, nihil sane efficiet, quin interdum eò magis *convulsio*
augmentetur: quodsi vero in cura motuum epilepticorum expectaverit & *cau-
sam* veram removerit, tunc ut plurimum sua sponte convulsio illa cessabit: unde
interdum tam frustraneus labor est, quando artifices tam *scrupulosè* cum sym-
ptomatisbus congradiuntur, & quasi optime patienti consultum sit, autumant,
quando æstus aut frigus aut dolor &c. deest, licet *prima causa* nihil emenda &
imminuta adhuc *ad sit*: quid quod non raro etiam *reliquo* morbo gravis *turba* in-
fertur, quando adeo *impatienter* symptomata profligantur, & sane in praxi me-
dica satis cognitum est, quomodo morbi exinde magis *augeantur*, quam *secure* &
ingenuè mitigentur: ubi denuò inter alia exempla ad *febres* & *motus convulsivos*
provocamus, qui posteriores si à *vermibus* vel *Mensium* obstructionibus pen-
dunt remediis probatisimis & maximi nominis anticonvulsivis *minime* obtem-
perant, sed *talia* auxilia expectant, quæ vermes *expellunt* & *Menses* *restituunt*:
plura non placet hac vice addere, licet præsens hæc tractatio per multiplices ul-
teriores & notatu admodum dignas demonstrationes duci queat: interea haec
Speciminiis instar *commonstravimus*, quantæ *dignitatis* & *utilitatis* sit hæc
tractatio, quam proinde ad ulteriore usum *medico-practicum* commendamus,
ita tamen ut cum *prudentia*, prout passim monuimus, neque ita *indiscreti*, hæc
expectatio exerceatur: in qua nostra commendatione itaque nunc acquiescimus
& Deo Optimo Maximo humillimas grates persolvimus, quod almo suo auxilio
in deducenda hac consideratione adesse voluerit: illum etiam devotè precamur,
quo præsentem deductionem gratia sua secundet, & ita dirigat, ut partim in
praxi medica multam utilitatem ferat, partim reliquam scientiam & experien-
tiam medicam magis magisque augeat, illustret atque confirmet, cuius per-
petuo honori omnia nostra conamina consecramus.